

**BOSNA I HERCEGOVINA
FEDERACIJA BOSNE I HERCEGOVINE
Tuzlanski kanton
GRAD TUZLA
GRADSKO VIJEĆE**

S T E N O G R A M

**SA DVADESETOSME SJEDNICE GRADSKOG VIJEĆA TUZLA ODRŽANE
16. JUNA 2023. GODINE U POSLOVNOM OBJEKTU „GRAFIČAR“ SA POČETKOM
U 10,00 SATI.**

- SJEDNICI PRISUSTVUJE 30 VIJEĆNIKA.

U Tuzli, juni 2023. godine

NATAŠA PERIĆ – predsjedavajući Gradskog vijeća Tuzla

Molim vijećnike da uđu u salu.

(Intoniranje himne Bosne i Hercegovine.) Poštovani vijećnici Gradskog vijeća Tuzla, obrađivači materijala, predstavnici medija, otvaram 28. redovnu sjednicu Vijeća.

Konstatujem da prema evidenciji Stručne službe Gradskog vijeća prisustvuje 30 od ukupnog broja vijećnika, što je dovoljno za punovažan rad i odlučivanje. Za današnju sjednicu svoj izostanak je najavila vijećnica Esana Kavazbašić Huskanović, pa predlažem da joj opravdamo odsustvo.

Obavještavam vijećnike da će se, zbog kratkog vremenskog perioda između dana održavanja prošle sjednice Gradskog vijeća i dana slanja materijala za današnju sjednicu, Zapisnik sa 27. redovne sjednice Gradskog vijeća Tuzla, održane 30.05., razmatrati i usvajati na narednoj redovnoj sjednici.

Za današnju 28. redovnu sjednicu Gradskog vijeća predlažem Dnevni red koji ste dobili u materijalima.

Klub vijećnika Tuzlanske alternative je u poslovničkom roku, 13.06.2023., dostavio prijedlog da se u Dnevni red 28. redovne sjednice Gradskog vijeća uvrsti tačka pod nazivom: **INFORMACIJA O REALIZACIJI PROJEKTA IZGRADNJE PUTNE KOMUNIKACIJE KROZ RUDNIK SOLI „TUZLA“ U NASELJU MANDIĆI.**

Prijedlog Kluba vijećnika Tuzlanske alternative ste dobili putem maila, kao i u materijalu podijeljenom neposredno pred početak današnje sjednice.

Kolega Aliću, hoćete li vi ispred Kluba da obrazložite prijedlog za dopunu, ili ćemo odmah glasat o prijedlogu Vašem? (vijećnik Mensur Alić govori bez uključenog mikrofona op.a.). Dobro.

Pozivam vijećnike da se izjasne o predloženoj dopuni Dnevnog reda.

Glasanje je okončano.

Konstatujem da je prijedlog za dopunu Dnevnog reda od strane Kluba vijećnika Tuzlanske alternative **INFORMACIJA O REALIZACIJI PROJEKTA IZGRADNJE PUTNE KOMUNIKACIJE KROZ RUDNIK SOLI „TUZLA“ U NASELJU MANDIĆI**, usvojena sa

29 glasova za, nije bilo protiv i nije bilo suzdržanih, tako da će se ova tačka razmatrati kao tačka 8. Dnevnog reda, a ostale tačke će se redoslijedom pomjeriti.

Vijećnik Naše stranke, Omer Berbić, je u poslovničkom roku, 13. juna 2023., dostavio prijedlog da se u Dnevni red 28. redovne sjednice Gradskog vijeća uvrsti tačka pod nazivom: **TROŠENJE NOVCA DOBIJENOG OD RADA TERMoeLEKTRANE U GRADU TUZLA.**

Prijedlog Omera Berbića ste dobili putem maila, kao i u materijalu podijeljenom neposredno pred početak današnje sjednice.

Kolega Berbiću, hoćete obrazložiti? Izvolite.

OMER BERBIĆ – vijećnik Naše stranke

E hvala ljepo. Svi smo mi ja mislim vidjeli kampanju ovaj zarobljeni zrak. To je kampanja koju predvodi Forum građana Tuzle. I to je kampanja koja u suštini na kraju, ovaj, ima za cilj da napravi, da se novac koji dobijemo za Termoelektranu, od rada Termoelektrane troši isključivo za projekte za smanjenje aerozagađenja.

Evo mi smo svjesni, imali smo i prošlu sjednicu budžet i svi smo mi svjesni da se novac od zakona o izdvajanju i usmjeravanju dijela prihoda preduzeća ostvarenim radom Termoelektrane preko 80% troši za projekte koji faktički nemaju veze sa aerozagađenjem de facto na terenu nemaju veze sa aerozagađenjem.

Kada bi ovaj novac zaista trošili za ovakvu jednu mjeru, pa možda na njega i digli kreditna sredstva, mi bi najvjerojatnije mogli ubrzati rješavanje ovog problema koji je glavni uzročnik raka, ovaj, i drugih oboljenja vezano za samo aerozagadenje.

Oni su u ovoj kampanji skupili preko 1700 potpisa građana Tuzle, što je jako reprezentativna brojka, znajući, ovaj, evo uzimajući na primjer koliko ljudi je izašlo na, na zadnje ove vanredne izbore. 1700 glasova je jako reprezentativna brojka. I to je brojka koja evo nama ja mislim daje za pravo, odnosno daje na neki način obavezu da mi o ovom problemu razgovaramo, pričamo na kraju krajeva da napravimo možda sebi zaključaka za Službu, koji bi se ogledali u tome da bi tražili od Službe da 80% novca koji dobijamo od strane ovog zakona, na kraju u rebalansu budžeta ili u samom početnom dijelu, ovaj, na početku kada se, kada se novac, kada se budžet usvaja na početku godine, utrošimo upravo na ove projekte.

Ne bi ovo najvjerojatnije bila ni preduga tačka, samo bi da je taj takav u tom kontekstu set zaključaka napravili za Službu. Evo da Gradsko vijeće u tom kontekstu to razgovara, diskutuje i na kraju krajeva nadamo se dođe (NATAŠA PERIĆ – Molim vas, malo tišine) do momenta, dođe do momenta kada će se ovaj novac trošiti za aerozagadenje.

Tako da, otprilike to je suština ove tačke. Mislim da je jako bitna tačka. Evo izašli smo iz zime. Znamo i svi kakva je zima bila i koliko je bila zagađena. Znamo svi da nam svi alarmi što se tiče aerozagadenja idu gore i da projekte koje Grad Tuzla radi trenutno, to smanjuju do te mjere da ćemo možda za šezdesetak godina tek završiti ovaj problem. Tako da mislim, evo imamo i novog gradonačelnika. Imamo neku možda i novu energiju. Možda ne bi trebali biti toliko zatvoreni prema ovakvoj vrsti priče prema ovakvoj vrsti projekata. Tako da, evo to je ukratko objašnjenje ove tačke Dnevnog reda. Hvala ljepeo.

NATAŠA PERIĆ

U redu. Hvala. Stavljam na izašnjavanje prijedlog vijećnika Omera Berbića, da se uvrsti tačka pod nazivom TROŠENJE NOVCA DOBIJENOG OD RADA TERMOELEKTRANE U GRADU TUZLA.

Molim vijećnike da se izjasne.

Glasanje je okončano.

Konstatujem da prijedlog za dopunu Dnevnog reda pod nazivom TROŠENJE NOVCA DOBIJENOG OD RADA TERMOELEKTRANE U GRADU TUZLA, nije dobio potrebnu većinu,

11 vijećnika je glasalo za, niko nije bio protiv i 18 suzdržanih.

Kolegij Gradskog vijeća Tuzla je u poslovničkom roku 14.06.2023. dostavio prijedlog da se u Dnevni red 28. redovne sjednice Gradskog vijeća Tuzla uvrsti tačka pod nazivom RASPRAVA O NACRTU ZAKONA O IZMJENAMA I DOPUNAMA ZAKONA O POLICIJSKIM SLUŽBENICIMA.

Prijedlog Kolegija Gradskog vijeća ste dobili putem maila, kao i u materijalu podijeljenom neposredno pred početak današnje sjednice.

Sada stavljam na izjašnjavanje prijedlog Kolegija da se u Dnevni red 28. redovne sjednice uvrsti tačka pod nazivom RASPRAVA O NACRTU ZAKONA O IZMJENAMA I DOPUNAMA ZAKONA O POLICIJSKIM SLUŽBENICIMA, koja bi se uvrstila kao tačka 9.

Molim vijećnike da se izjasne. Može. Poništavam glasanje.

Molim vijećnike da se ponovo izjasne.

Glasanje je okončano.

Konstatujem da prijedlog Kolegija Gradskog vijeća Tuzla da se u Dnevni red 28. redovne sjednice Gradskog vijeća uvrsti tačka pod nazivom RASPRAVA O NACRTU

ZAKONA O IZMJENAMA I DOPUNAMA ZAKONA O POLICIJSKIM SLUŽBENICIMA, uvrsti kao tačka 9. Dnevnog reda

28 vijećnika glasalo za, niko nije bio protiv i nije bilo suzdržanih.

Sada stavljam na izjašnjavanje Dnevni red u cjelini.

Molim vijećnike da se izjasne.

Glasanje je okončano.

Konstatujem da je Dnevni red u cjelini usvojen sa

26 glasova za, 1 je bio protiv i nije bilo suzdržanih.

D N E V N I R E D

- USVOJENI DNEVNI RED 28. REDOVNE SJEDNICE GRADSKOG VIJEĆA TUZLA ODRŽANE 16.06.2023. GODINE (broj 01/04-A-9066-2023)

1. VIJEĆNIČKA PITANJA I INICIJATIVE

2. RAZMATRANJE I USVAJANJE:

a) DRUGE IZMJENE DIJELA REGULACIONOG PLANA PROSTORNE CJELINE “SOLANA SJEVER “ U TUZLI

b) ODLUKE O IZMJENI ODLUKE O PROVOĐENJU REGULACIONOG PLANA PROSTORNE CJELINE “SOLANA SJEVER “ U TUZLI

c) ODLUKE O USVAJANJU DRUGE IZMJENE DIJELA REGULACIONOG PLANA PROSTORNE CJELINE “SOLANA SJEVER “ U TUZLI

3. RAZMATRANJE I USVAJANJE ODLUKE O IZMJENAMA ODLUKE O ORGANIZOVANJU I FUNKCIONISANJU ZAŠTITE I SPAŠAVANJA LJUDI I MATERIJALNIH DOBARA OD PRIRODNIH I DRUGIH NESREĆA U GRADU TUZLA

4. RAZMATRANJE I DONOŠENJE RJEŠENJA O IMENOVANJU KOORDINACIJSKE RADNE GRUPE ZA IZRADU PROGRAMA KAPITALNIH INVESTICIJA GRADA TUZLE

5. RAZMATRANJE I USVAJANJE IMOVINSKO-PRAVNIH AKATA:

a) Zaključak o odbacivanju, kao preuranjenog, zahtjeva za utvrđivanje prava vlasništva na izgrađenom gradskom građevinskom zemljištu (Džambić S. Zlatko, lokacija KO Par Selo), broj: 01/07-27-20827/22

6. RAZMATRANJE I USVAJANJE IZVJEŠTAJA O RADU I POSLOVANJU JAVNIH I DRUGIH PREDUZEĆA ČIJI JE OSNIVAČ ILI SUOSNIVAČ GRAD TUZLA ZA 2022. GODINU:

a) JP Gradska veterinarska stanica d.o.o.Tuzla

b) JP SKPC „Mejdan“ d.o.o. Tuzla

c) JP RPC Tuzla-Inkubator „Lipnica” d.o.o. Tuzla

d) JKP Saobraćaj i komunikacije Tuzla

7. RAZMATRANJE I USVAJANJE IZVJEŠTAJA O RADU JAVNIH USTANOVA ČIJI JE OSNIVAČ ILI SUOSNIVAČ GRAD TUZLA ZA 2022. GODINU:

a) JU Gradski stadion „Tušanj”

b) JU Centar za socijalni rad Tuzla

c) JU „Dom penzionera“ Tuzla

8. INFORMACIJA O REALIZACIJI PROJEKTA IZGRADNJE PUTNE KOMUNIKACIJE KROZ RUDNIK SOLI „TUZLA“ U NASELJU MANDIĆI

9. RASPRAVA O NACRTU ZAKONA O IZMJENAMA I DOPUNAMA ZAKONA O POLICIJSKIM SLUŽBENICIMA

10. RAZMATRANJE IZVJEŠTAJA KOMISIJE ZA IZBOR I IMENOVANJA 11. TEKUĆA PITANJA

a) Obavještenje Službe za komunalne poslove, izgradnju i poslove MZ o razlozima prolongiranja izrade Informacije o realizaciji kapitalnih projekata u 2022. godini (putevi, vodovodna i kanalizaciona mreža, toplifikacija, javna rasvjeta i projekti iz drugih oblasti)

b) Obavještenje JP BIT Centar d.o.o. Tuzla o razlozima prolongiranja izrade Izvještaja o radu i poslovanju za 2022. godinu

Prije nego krenemo na vijećnička pitanja i inicijative, želim da pročitam jedno saopštenje.

Obavještavam vijećnike i građane da je Komisija za istinu o Tuzli 92-95 neposredno pred početak današnje sjednice Gradskog vijeća Tuzla, održala sjednicu i jednoglasno usvojila zaključak kojim osuđuje, najoštrije, izjavu osuđenog ratnog zločinca Darija Kordića, koji je prilikom jednog razgovora na pitanje da li je vrijedilo zatvora i rata, rekao kako bi sve opet ponovio. Njegova spremnost da ponovi svoje gnusne postupke pokazuje da nema kajanja za zločine koje je počinio. S obzirom na ozbiljnost njegovih komentara, pozivamo nadležne institucije da hitno reaguju.

Prelazimo na prvu tačku Dnevnog reda:

VIJEĆNIČKA PITANJA I INICIJATIVE

Krećemo sa pitanjima. Ana Pejić. Izvolite. (ANA PEJIĆ – Prilažem). Prilažete. Anel Ibeljić. (ANEL IBELJIĆ – Prilažem). Prilažete. Da li još neko ima pitanja, a da nije priložio? Vijećnik Zoran Jovanović.

ZORAN JOVANOVIĆ – samostalni vijećnik

Hvala predsjedavajuća. Evo prvo moje vijećničko pitanje odnosi se: Da li je zaključak Kolegija Gradskog vijeća Tuzla od 08.06.23. godine, kojim se obavezuju, pa piše ovdje, što smo danas dobili, u skladu sa Statutom, u Statutu Grada Tuzle piše koje su nadležnosti Kolegija Gradskog vijeća. Danas nije tačka Dnevnog reda izbora u mjesnim zajednicama. Imamo jedan fin odgovor iz Službe za komunalne poslove i poslove mjesnih zajednica. Tamo se nalaže da se donesu PBA-1 i PBA-3 obrazac, da se vidi ko je gdje. Da li je jači ovaj zaključak od važećih statuta mjesnih zajednica? Nemamo statute mjesnih zajednica. Nemamo način izbora. Statut Grada Tuzle je donešen, al da ne talasamo. Ovo je politička odluka kompromisna. Mislim da je ovo prevazišlo nadležnosti Kolegija Gradskog vijeća, pogotovo kad uzmemo ovaj odgovor. I svi ovdje koji su pravnici trebali bi se zapitati u ovom pravcu da li je ovo ispravno? Tražim odgovor na ovo vijećničko pitanje.

Drugo moje vijećničko pitanje je trenutno zatvaranje putne saobraćajnice između naselja Gornja Obodnica i Drijenča. Svjedoci smo dešavanja posljednjih 20 dana, da je fizičko lice jednostavno izašlo na javnu površinu i zauzelo put i presjeklo komunikaciju između Gornje Obodnice i Drijenče, najbliža komunikacija između ova dva naseljena mjesta. Nešto se gore i radi i ne radi. Tražim odgovor šta je poduzeto do sada, pogotovo što se taj put koristi u prethodnih 50 godina. To su...(NATAŠA PERIĆ – Jel imate još?).

I da li, pitanja za Službu civilne zaštite: Svjedoci smo svih dešavanja ovih nepovoljnih klimatskih prilika na cijeloj zemljaskoj kugli. Pa evo i nas je to zahvatilo i promjene klima. Da li postoje štabovi Civilne zaštite formirani u mjesnim zajednicama na području grada Tuzle? E hvala.

NATAŠA PERIĆ

U redu. Hvala vam. Sljedeći za riječ se javio vijećnik, odnosno pitanje, Senad Mehmedinović. Neka se pripremi vijećnik Berbić. Senade, izvolite.

SENAD MEHMEDINOVIĆ – vijećnik Pokreta demokratske akcije

Hvala najljepša. Vijećničko pitanje je: Službi za boračko – invalidsku zaštitu, stambene poslove i integraciju raseljenih lica. Dakle, samo ide pitanje bez obrazloženja.

Molim vas da mi dostavite informaciju koliko stanova u vlasništvu Gada Tuzle koriste pripadnici porodica šehida i poginulih boraca, te dobitnika najvećih ratnih priznanja?

NATAŠA PERIĆ

U redu. Hvala. Vijećnik Berbić. Možete samo uključiti radi Stenograma? (OMER BERBIĆ – Ja ću priložiti pitanja). U redu. Hvala. Selma Čatibušić. Izvolite.

SELMA ČATIBUŠIĆ – vijećnik Platforme za progres

Evo ovako. Dobar dan svima, ja imam dva vijećnička pitanja za Dom zdravlja Tuzla.

Prvo vijećničko pitanje da li je u planu u narednom periodu pokretanje ponovo Centra za ranu intervenciju pacijentima od 0 do 6 godina?

Obzirom da nažalost velike potrebe i potrebe rane detekcije, tj. otkrivanja stanja pacijenata, u skladu s tim postavljanja dijagnoze i daljeg liječenja, neophodno je da je naš Dom zdravlja Tuzla kao Ustanova čiji je osnivač Grad Tuzla, ima funkcionalan Centar za ranu intervenciju za djecu od 0 do 6 godina.

Također bih voljela znati koje su najveće poteškoće i problemi za pokretanje jednog ovakvog neophodnog projekta, kao i informaciju da li u Dispanzeru za predškolski uzrast na strani zdrava djeca vakcinacija, postoji stručno lice, specijalne edukatore, rehabilitatore koji obavlja poziciju ranog otkrivanja?

Drugo vijećničko pitanje prema Ustanovi Dom zdravlja Tuzla, jeste na koji način se odvija proces za naručivanje na logopedsko-audiološki pregled, obzirom da u sklopu Doma zdravlja Tuzla ne postoji, opet ponavljam, Centar za ranu intervenciju, koji bi pružao usluge mnogim pacijentima u potrebi. Jedini koji pruža usluge osobama sa potencijalnim ili već određenim poteškoćama jeste Kabinet za logopediju i audiologiju.

Obzirom da se nažalost sve više povećava broj djece sa poteškoćama u razvoju kojima je potrebno razno..., kojima su potrebni raznovrsni oblici tretmana, pa sve uz to i logopedski.

Zanima me informacija koliko dugo se čeka na prvi pregled za određivanje teškoće u poremećaju glasa, sluha i govora, te dalji proces obavljanja tretmana sa djecom?

U razgovoru sa jednim roditeljem djeteta sa autističnim spektrom, dobila sam informaciju da je pogotovo nakon pandemije COVID-19 skoro nemoguće dobiti termine, te me zanima da li je navedena tvrdnja tačna? I također me zanima broj pacijenata pregledanih u toku jednog radnog dana?

Treće vijećničko pitanje ću reći, je li usmeno, pa ću naknadno priložiti. Samo me interesuje prema Službi za komunalne poslove i poslove mjesnih zajednica:

Kada će konačno doći do realizacije, odnosno do rada na cesti u ulici Maršala Tita 78 i 76, koje je kolegica Merima Softić također prilagala inicijativu za, na neki način, konačno navaljanje te ulice, odnosno postavljanja novog asvalta, jer je sadašnje u katastrofalnom stanju. Hvala.

NATAŠA PERIĆ

Hvala vama. Vijećnik Hasib Hirkić. Izvolite. Uključite samo. (HASIB HIRKIĆ – Prilažem). U redu. Da li se još neko javlja za pitanja? Dobro. Prelazimo na

VIJEĆNIČKE INICIJATIVE

Vijećnik Damir Muratović. (DAMIR MURATOVIĆ – Prilažem). U redu. Vijećnik Mirel Mišković, prilaže, jel tako? Mislim vidim da ste napisali da prilažete. (MIREL MIŠKOVIĆ – Prilažem). Vijećnik Ćerim Rastoder. (ĆERIM RASTODER – Prilažem). Dobro. Vijećnik Anel Ibeljić. (ANEL IBELJIĆ – Prilažem). Vijećnici Anel Ibeljić i Ana Pejić? (ANA PEJIĆ – Prilažemo). Prilažete. Anel, ima još jedna? (ANEL IBELJIĆ – Prilažem). Prilažete. Da li još neko ima? Vijećnik Mensur Alić, pa Senad Mehmedinović.

MENSUR ALIĆ – vijećnik Tuzlanske alternative

Zahvaljujem predsjedavajuća. Imam dvije inicijative.

Prva inicijativa je upućena na Centralno grijanje Grada Tuzla, a radi se o toplifikacije ulice Mandžukovac u Slavinovićima. To je preko puta škole, tako da je do škole došlo centralno grijanje, da se produži ovaj dio naselja u Slavinovićima, jer inače ovaj dio naselja baš najviše zagađuje grad Tuzlu. To sam pratio prilikom dolaska i odlaska iz Tuzle. To je jedna.

Druga inicijativa je upućena Federalnoj vladi BiH, a radi se o...poznato je da grad Tuzla je zakrčen kad je u pitanju saobraćaj, pogotovo kad je u četiri sata i ujutru u sedam, da se stvore gužve po čitavom gradu, da čekate kilometarske kolone da bi izašli iz grada. Ja mislim da ima volje predsjednika Vlade Federacije i premijera da se izdvoje sredstva kad je u pitanju grad Tuzla, a to bi prvi projekat bio na čitavom kantonu da se uradi dio puta južne magistrale i da se produži do Simin Hana. Projekat postoji prijeratni još urađen. Možda treba uraditi samo reviziju projekta i da se uradi taj dio puta. Tad bi Tuzla se oslobodila. A u međuvremenu postoji mogućnost, to sam saznao od stručnih ljudi da se može na dijelu Brčanske Malte uraditi kružni tok sa malo ulaganja sredstava, ne ovakvih kako se rade. To je privremeno rješenje da se može napraviti. Ima to u Sarajevu, već su uradili u nekoliko gradova, tako da, to se može uraditi i u Tuzli. Hvala lijepo.

NATAŠA PERIĆ

U redu. Hvala kolega Aliću. Vijećnik Senad Mehmedinović. Neka se pripremi vijećnik Jovanović. Izvolite Senade. Mensure, možete li samo isključiti? (MENSUR ALIĆ – Može. Izvinjavam se).

SENAD MEHMEDINOVIĆ

Hvala kolega Mensure. Pitanje...Inicijativa ide Uredu gradonačelnika, Kolegiju Vijeća, Službi za boračku- invalidsku zaštitu, stambene poslove i integraciju raseljenih lica:

Inicijativa da se stanovi u vlasništvu Grada Tuzle dodijele u vlasništvo porodicama šehida i poginulih boraca, a čiji su očevi posthumno dobitnici i najvećih ratnih priznanja koji već žive u istim. (NATAŠA PERIĆ – Molim vas malo tišine). Prema informacijama sa kojima raspolazem mali je broj stanova, možda dva ili tri u vlasništvu Tuzle u kojima žive pripadnici porodica šehida i poginulih boraca, a čiji su očevi posthumno dobitnici najvećih ratnih priznanja. Dodjela stanova porodicama šehida može biti jedan od načina da im se pruži trajno i stabilno stambeno rješenje, čiji su očevi dali svoje živote u odbrani naše zemlje.

Kroz dodjelu stanova porodicama šehida pružili bi podršku i olakšali njihovu ekonomsku situaciju, te im pružili pristojne uslove stanovanja u priznanju za njihovu žrtvu. Dakle, radi se o dodjeli stanova porodicama koji već žive u istim i koji nemaju riješeno stambeno pitanje, te inicijativa usmjerena prema onima čiji su očevi izgubili živote u službi svoje zemlje.

NATAŠA PERIĆ

U redu. Hvala. Vijećnik Zoran Jovanović. Neka se pripremi vijećnik Berbić.

ZORAN JOVANOVIĆ

Hvala predsjedavajuća. Evo moja vijećnička inicijative, inicijative idu u pravcu oživljavanja ovih ruralnih mjesnih zajednica. Nekad smo, su to bila, nazivala se sela i dok smo bili sela imali smo i zadrugu i prodavnicu i put i autobusku liniju. Nažalost, evo sad po modernom, ruralno područje, pa nemamo ništa.

Moja vijećnička inicijativa ide u pravcu Službe za komunalne poslove, igradnju i pitanja mjesnih zajednica, da u okviru predviđenog budžeta za 23-u godinu hitno pristupi izgradnju malog nogometnog igrališta sa pratećim sadržajem za djecu u naselju Avdibašići, Mjesna zajednica Donja Obodnica. U naselju Avdibašići ima oko 95 domaćinstava sa oko 300 stanovnika, 30 djece i tako dalje, da ne čitam. Priložiću. Mislim da i ova djeca zaslužuju za razliku od gradske zone da imaju neko igralište i da se negdje mogu družiti i, i, i da napravimo od njih korisne članove ovoga društva, a ne da hodaju i nemaju se čime vratiti u selo kad prođe 22 sata. Hvala.

NATAŠA PERIĆ

U redu. Hvala. Vijećnik Omer Berbić. Neka se pripremi vijećnica Čatibušić.

OMER BERBIĆ

Hvala ljepo. Evo moja prva inicijativa jeste inicijativa da Kolegij još jednom za iduću sjednicu razmotri mogućnost usvajanja ove tačke oko zarobljenog zraka gdje sam imao faktički jednu diskusiju. Ja bi molio Stručnu službu samo da tu diskusiju pripremi za Kolegij, ovaj, pošto ja nisam više član Kolegija. Pa evo da se razmotri da se usvoji na sjednici nakon toga. To je moja, moja prva inicijativa.

Moja druga inicijativa jeste inicijativa da Kolegij također razmisli o načinu kažnjavanja mjesnih zajednica koje nisu uskladile svoj Statut sa Statutom Grada, a koji se direktno veže direktnih izbora za savjete mjesnih zajednica, jer ovo sada što smo mi dobili da se vadi PBA-1 i PBA-3 obrazac ne bi bilo uopšte potrebno da smo mi ispoštovali Statut Grada, koji kaže da šest mjeseci nakon usvajanja Statuta mi moramo napraviti direktne izbore u svjete mjesnih zajednica. A mi to nismo uradili. Zašto ovo govorim? Zato što evo u narednom periodu ja ću se lično potruditi, pa ću pisati relevantnim institucijama da mi sami kršimo Statut koji smo usvojili. Ja bi volio da to izbjegnemo i da na neki način Kolegij pošalje mjesnim zajednicama jasnu poruku ili usvojite te statute, uskladite ili vam je odatle pa-pa. Predsjednici mjesnih zajednica uz dužno poštovanje jedno deset, petnaest mjesnih zajednica koje sam obilazio, ništa ne rade ljudi. Bacamo tolike pare na savjete od kojih 60% ništa ne radi. Oni su jedini gori od naših komisija, evo ja to moram ovako da kažem. Kažem opet, ima dobrih savjeta, ali većina pogotovo ovi što ne žele da usklade svoje statute sa Statutom Grada. Nema zaista potrebe da sjede po mjesnim zajednicama i da zauzimaju tu prostor.

Evo ja to prema Kolegiju upućujem inicijativu da se razmisli na, na, o načinu kažnjavanja, prije nego što krenemo u bilo kakvu vrstu akcije prema međunarodnim organizacijama, obudsmenima i tako dalje.

I moja treća inicijativa je inicijativa za vraćanje šalter sale u centar grada, kako bi vratili ljude u centar grada, jer kada vratimo šalter sale u centar grada gdje se mogu vaditi dokumenti, onda ćemo dnevno vratiti hiljadu, dvije, tri hiljade ljudi u centar grada.

Ova inicijativa takođe podrazumijeva da bi se u gradu Tuzla trebalo napraviti pravilnik prema kojem ne možete imati oronulu fasadu, raspadnutu fasadu i prema kojem prazni poslovni prostori bi trebali biti oporezovani, da faktički smanjimo cijene koštanja poslovnih prostora sa dvije, tri, četiri hiljade na neku prihvatljivu i realnu tržišnu cijenu.

Kada bi ovo zatvorili ovakvom jednom formom, mislim da bi centar grada mogao postati opet centar grada koji je nekada bio, sa korzijadama, sa korzom, gdje imate ljudi, gdje se može popit kafa osim pet-šest kafića, gdje imate i radnji koji imaju nekog smisla, gdje ima i starih zanata, gdje ima i novih zanata, gdje ima start-up kompanija i tako dalje. Eto. Hvala ljepo.

NATAŠA PERIĆ

U redu. Hvala. Vijećnica Selma Čatibušić. Neka se pripremi vijećnik Hirkić.

SELMA ČATIBUŠIĆ

Moja prva inicijativa ide Službi za komunalne poslove, izgradnju i poslove mjesnih zajednica, kao i Službi za budžet i finansije.

Prva inicijativa je inicijativa za postavljanje tzv. „Mini pijace“ na području Mjesne zajednice Slatina.

Obrazloženje: Gradski odbor Platforme za progres Tuzla na redovnoj sjednici usvojio je prijedlog inicijative za Mjesnu zajednicu Slatina, a koji je ujedno došao ispred naše članice savjeta Mjesne zajednice naše Amre Ovčina. U skladu s tim prilažem ovim putem i na sjednici Gradskog vijeća tekst ove inicijative, te molim Službu da mi dostavi odgovor.

Cilj ove inicijative je smanjenje rizika od pojave mogućih zaraznih bolesti i potreba da se u ovom dijelu grada vrati izgled urbanog područja. Na Facebook stranici svi mi koji smo sa Slatine naveden je post jednog od korisnika „Slatina je centar svijeta“. Složili bismo se sa ovom izjavom ako bismo posmatrali naselje Slatina nekih 30 godina unazad. Ona je bila urbani dio grada sa dobro osmišljenom i usklađenom infrastrukturom, prostrane površinom sa dječijim igralištem oko zgrada, blizine Doma zdravlja, škola, fakulteta i slično. Kako bismo rekli sve na jednom mjestu za stanovnike tog dijela grada svih tuzlaka, Slatina je nekada bila grad u gradu. Slike iz tog vremena svjedoče o tome. No, situacija danas je mnogo drugačija. Jasno je da je ovaj dio grada, kao i ostatak Tuzle, pa i cijele Bosne i Hercegovine zadnjih decenija doživio poslijeratno razaranje, ali smo mišljenja da se neke stvari bez puno ulaganja uz dobru volju mogu riješiti i barem donekle vratiti sjaj staroj Slatini.

Naime, svjedočimo svi velikom broju prodavača sezonskog povrća, voća, mliječnih proizvoda, polovne robe u jezgru samog naselja, ispred velikog Binga, tačnije. U neuslovnim i prljavim pasažima, što je u prvom redu na oko potpuno neprihvatljiva, a u drugom vrlo nehigijenski, odnosno predstavlja neposrednu opasnost za razvoj zaraznih bolesti stanovništva. Nesporno je da većini stanovništva trenutno stanje odgovara, obzirom da je većinski dio stanovništva penzioneri i u podmaklim godinama, pogođeni raznim hroničnim oboljenjima, te da im odgovara činjenica da do svježeg povrća, voća i slično ne moraju do centra grada na Gradsku pijacu. No, mišljenja smo da je ovo gorući problem i da se mora riješiti u što kraćem

roku, upravo u cilju poboljšanja kvalitete života cjelokupnog stanovništva, pogotovo ove mjesne zajednice.

Inicijativa Platforme za progres Tuzla i Kolegija Platforme za progres Tuzla jeste da se preko puta Mjesne zajednice Slatina na travnatoj površini napravi tzv. „Mini pijaca“ za prodavače, te da time riješimo estetski, ali i higijesni problem Slatine, sa čime bi zadovoljni bili i jedna, čime bi zadovoljna bila jedna i druga strana, odnosno i prodavači i građani, a na takav način bismo zaštitili zdravlje građana, te bismo Slatini vratili onaj stari sjaj. U prilogu i fotografije.

Druga vijećnička inicijativa jeste inicijativa za izgradnju igrališta za djecu i klupa za građane u Mjesnoj zajednici Solina. Stanovnici Mjesne zajednice Solina obratili su mi se također sa zahtjevom da ispred njih priložim jednu inicijativu, što ovim putem i radim.

Naime, stanovnici navedene mjesne zajednice već dugo vremena nemaju adekvatno uređeno igralište. Ono što je bitno navesti jeste i činjenica da je Grad Tuzla na čelu sa gradonačelnikom Lugavićem pokrenula inicijativu za sanaciju i uređenje dječijih igrališta na 19 lokacija u našem gradu, u kojoj su između ostalog planirani radovi na sanaciji i zamjeni urbanog mobilijara, opreme i određenih sprava u toku mjeseca juna i jula.

Bitno je napomenuti da Mjesna zajednica Solana opet nije planirana u ovom projektu.

Ukoliko želimo da naš grad bude reprezentan u potpunosti, neophodno je odnositi se sa svima jednako. U prilogu dostavljam i tekst inicijative.

I treću vijećničku inicijativu. Treća vijećnička inicijativa također ide Službi za komunalne poslove, izgradnju i poslove mjesnih zajednica, jeste formiranje privremene komisije za ispitivanje stabala, stanja stabala u našem gradu. Ukratko, svjedoci smo nažalost tragičnih dešavanja u našem gradu, gdje su naši sugrađani i sugrađanke povrijeđene zbog padanja stabala koje je truhlo i jednostavno zrelo, na neki način da bude posječeno. Al s tim u vezi, ne bi trebali tek tako se odnositi prema stablima. Nažalost evo sad oko Opštine, sve je moralo biti posječeno, što razumijem nakon događaja koji se desio, te smatram da je neophodno formiranje jedne privremene komisije koja će biti sastavljena od stručnih ljudi, koji će ispitati u jednom vremenskom periodu stanje stabala u našem gradu, te na adekvatan način da riješimo, da vidimo koja zaista trebaju biti posječena, na koji način trebaju biti posječena, jer to ipak trebaju da rade stručni ljudi, tako da cijeli tekst inicijative nalazi se je li, pismeno. Hvala.

NATAŠA PERIĆ

U redu. Hvala. Vijećnik Hasib Hirkić. Izvolite.

HASIB HIRKIĆ – samostalni vijećnik

Zahvaljujem predsjedavajuća. Urgencija vezano za inicijative koje sam već prije podnosio, a odnosi se, znači, na sanaciju puta od Mramora pa do Dobrnje, maigstralni put M-18.

Takođe, znači, podnosim urgenciju vezano za uklanjanje divljih deponija. Mjesna zajednica Centar – Kojšino, a znate, poznato vam je da je tamo Cestotehnik bio i da je ostavio ogromne nekakve, ne znam više ni kako da ih nazovem deponije ili gdje su svi grđani još malo odložili otpada i mislim da bi to trebalo u što hitnijem roku, a ukoliko se može riješiti da ta, evo i građani progledaju, jer to je uz put koji se nalazi, znači, prilaz Mjesnoj zajednici Centar i naselju Kojšino. Tako da molio bi ako može u što kraćem roku da se ovo ukloni, s obzirom da se svaki dan ta deponija sve više i više, znači, stvara. Ako je uklonimo sad na vrijeme nećemo imati više problema i tako da će građani bit u jednu ruku i zadovoljni.

Takođe bih zamolio ako se može, znači, pokositi pored trotoara trava, urediti taj dio, s obzirom da gore ima i veliki broj i djece i starih iznemoglih osoba, koji trotoarom ne mogu proći zbog gmizavaca ili tako nešto. Eto hvala.

NATAŠA PERIĆ

U redu. Hvala. Da li još neko ima inicijativu?
Ako ne, zaključujem prvu tačku.

Prelazimo na drugu tačku Dnevnog reda:

RAZMATRANJE I USVAJANJE:

a) DRUGE IZMJENE DIJELA REGULACIONOG PLANA PROSTORNE CJELINE "SOLANA SJEVER" U TUZLI

b) ODLUKE O IZMJENI ODLUKE O PROVOĐENJU REGULACIONOG PLANA PROSTORNE CJELINE "SOLANA SJEVER" U TUZLI

c) ODLUKE O USVAJANJU DRUGE IZMJENE DIJELA REGULACIONOG PLANA PROSTORNE CJELINE "SOLANA SJEVER" U TUZLI

Predlagač je gradonačelnik.

Obrađivač: Služba za prostorno uređenje i zaštitu okoline i Upravna organizacija Zavod za urbanizam.

Materijal su razmatrali: Komisija za statutarna pitanja i propise, Komisija za prostorno uređenje i zaštitu okoline i klubovi vijećnika.

Ima li potrebe za uvodnim izlaganjem?

Ima li potrebe da se pročitaju izvještaji komisija?

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu... (OMER BERBIĆ – Imam ja). Aha. Vijećnik Berbić.

OMER BERBIĆ

E hvala ljepo. Ne ulazeći u stručnost uopšte arhitektonskog dijela, urbanističkog i tako dalje, pošto nisam stručan za taj dio. Ne volim se mješati drugim ljudima u posao. Ne ulazeći takođe ni u stručnost pravnog dijela. Ja mislim da čim su nam iz, iz, iz Urbanizma kad smo dobili ovako vrlo vjerovatno je to i najbolje moguće rješenje. Ali me zanima ove izmjene kako se rade bez javne rasprave? Da li je bila javna rasprava u ovom predmetu? Jer nije ono ništa sporno opet kažem. Ne ulazim u stručnost i vrlo vjerovatno su to ljudi uradili koji su puno stručniji od mene i bolji u urbanizmu. Ali evo mi smo, prvu, prvi puta smo to kada smo usvajali taj regulacioni plan imali javnu raspravu, sada faktički mijenjamo i spratnost koliko sam vidio i, i kvadraturu objekata i gabarit eksternih objekata. Kako je moguće da to ide bez, bez javne rasprave? Hvala ljepo.

NATAŠA PERIĆ

U redu. Hvala. Da li se još neko javlja od vijećnika?

Ako ne, zaključujem raspravu vijećnika.

Zamoliću gospođu Selmu Imamović, šeficu Zavoda za urbanizam da da odgovor gospodinu Berbiću.

I molim vijećnike koji se nalaze van sale da uđu u salu, jer smo na ivici kvoruma.

SELMA IMAMOVIĆ – Direktor Zavoda za urbanizam

Dobar dan. Ja pozdravljam sve prisutne. Htjela bih napomenuti da je Uredbom o jedinstvenoj metodologiji za izradu planova prostorno – planske dokumentacije, kao i Zakonom o prostornom uređenju i građenju TK, jasno propisana procedura po kojoj se vrši izmjena planskih dokumenata.

Dakle, propisan je način ko može podnijeti inicijativu i, i, ko može inicirati uopšte izradu izmjene planskog dokumenta i u datim navedenim dokumentima je takođe definisano da ukoliko nema i značajne izmjene koncepcije uređenja prostorne cjeline, odnosno projekcije izgradnje te prostorne cjeline, onda se može raditi po skraćenoj proceduri. U navedenom slučaju, proširen je gabarit planiranih objekata za dva metra prema unutrašnjoj strani, što na neki način ne ugrožava okolne objekte u okruženju, te je povećan, na nekim dijelovima je povećan vertikalni gabarit za jedan, maksimalno do dva sprata. Međutim, izmjenom odluke o provođenju prostornog plana koja je u međuvremenu nastupila na snagu, na jednom dijelu je čak i spuštена spratnost objekata, tako da je prema procjeni Zavoda za urbanizam i Službe za prostorno uređenje i zaštitu okoline, smatrano da inicijativa ne remeti raniju projekciju izgradnju ove prostorne cjeline, tako da je odlučeno, prilikom u stvari odluke o pristupanju izrade ovog planskog dokumenta, koja je bila u aprilu, ovaj, i Vijeće je donijelo odluku da ide po skraćenoj proceduri.

NATAŠA PERIĆ

Dobro. Hvala vam Selma.

Stavljam na izjašnjavanje pod:

a) DRUGU IZMJENE DIJELA REGULACIONOG PLANA PROSTORNE CJELINE “SOLANA SJEVER“ U TUZLI

b) ODLUKE O IZMJENI ODLUKE O PROVOĐENJU REGULACIONOG PLANA PROSTORNE CJELINE “SOLANA SJEVER“ U TUZLI

c) ODLUKE O USVAJANJU DRUGE IZMJENE DIJELA REGULACIONOG PLANA PROSTORNE CJELINE “SOLANA SJEVER“ U TUZLI .

Molim vijećnike da se izjasne.

Glasanje je okončano.

Konstatujem da je DRUGA IZMJENA DIJELA REGULACIONOG PLANA PROSTORNE CJELINE “SOLANA SJEVER“ U TUZLI, ODLUKA O IZMJENI ODLUKE O PROVOĐENJU REGULACIONOG PLANA PROSTORNE CJELINE “SOLANA SJEVER“ U TUZLI I ODLUKA O USVAJANJU DRUGE IZMJENE DIJELA REGULACIONOG PLANA PROSTORNE CJELINE “SOLANA SJEVER“ U TUZLI, usvojeni sa 22 glasa za, nije bilo protiv i 1 suzdržan.

Prelazimo na treću tačku:

RAZMATRANJE I USVAJANJE ODLUKE O IZMJENAMA ODLUKE O ORGANIZOVANJU I FUNKCIONISANJU ZAŠTITE I SPAŠAVANJA LJUDI I MATERIJALNIH DOBARA OD PRIRODNIH I DRUGIH NESREĆA U GRADU TUZLA

Predlagач je gradonačelnik.

Obrađivač: Služba civilne zaštite.

Materijal su razmatrali: Komisija za statutarna pitanja i propise i klubovi vijećnika.

Ima li potrebe za uvodnim izlaganjem?

Ima li potrebe da se pročitaju izvještaji komisija?

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika i stavljam na usvajanje ODLUKU O IZMJENAMA ODLUKE O ORGANIZOVANJU I FUNKCIONISANJU ZAŠTITE I SPAŠAVANJA LJUDI I MATERIJALNIH DOBARA OD PRIRODNIH I DRUGIH NESREĆA U GRADU TUZLA.

Molim vijećnike da se izjasne. Zorane, možete molim vas samo? Damire, obzirom da ste ušli, molim vas da glasate.

Glasanje je okončano.

Konstatujem da je ODLUKA O IZMJENAMA ODLUKE O ORGANIZOVANJU I FUNKCIONISANJU ZAŠTITE I SPAŠAVANJA LJUDI I MATERIJALNIH DOBARA OD PRIRODNIH I DRUGIH NESREĆA U GRADU TUZLA, usvojena sa

25 glasova za, nije bilo protiv i nije bilo suzdržanih.

Prelazimo na četvrtu tačku:

RAZMATRANJE I DONOŠENJE RJEŠENJA O IMENOVANJU KOORDINACIJSKE RADNE GRUPE ZA IZRADU PROGRAMA KAPITALNIH INVESTICIJA GRADA TUZLE

Obrađivač je Služba za komunalne poslove, izgradnju i poslove mjesnih zajednica.

Materijal su razmatrali: Komisija za izbor i imenovanja i klubovi vijećnika.

Ima li potrebe za uvodnim izlaganjem?

Ima li potrebe da se pročitaju izvještaji komisija?

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Vijećnik Mehmedinović. Izvolite.

SENAD MEHMEDINOVIĆ

Imaju samo dvije greške, pa da, dakle, Enver Mehmedović nije, nego Enver Mehmedinović. (NATAŠA PERIĆ – Dobro). Evo.

I druga je pod 17 brojem. Piše Fahira Kunić, a Fahir je Kunić. To je to.

NATAŠA PERIĆ

Dobro. Uvažićemo ovo.

Dal se još neko javlja od vijećnika?

Zatvaram raspravu klubova vijeć...vijećnika. Pardon. I stavljam na izjašnjanje RJEŠENJE O IMENOVANJU KOORDINACIJSKE RADNE GRUPE ZA IZRADU PROGRAMA KAPITALNIH INVESTICIJA GRADA TUZLE.

Molim vijećnike da se izjasne.

Glasanje je okončano.

Konstatujem da je RJEŠENJE O IMENOVANJU KOORDINACIJSKE RADNE GRUPE ZA IZRADU PROGRAMA KAPITALNIH INVESTICIJA GRADA TUZLE, uz ove

sugestije koje je dao vijećnik Senad Mehmedinović, usvojene sa 25 glasova za, nije bilo protiv i nije bilo suzdržanih.

Pod tačkom pet:

RAZMATRANJE I USVAJANJE IMOVINSKO-PRAVNIH AKATA.

Imamo Zaključak o odbacivanju, kao preuranjenog, zahtjeva za utvrđivanje prava vlasništva na izgrađenom gradskom građevinskom zemljištu (Džambić S. Zlatko, lokacija KO Par Selo), broj: 01/07-27-20827/22

Predlagač je gradonačelnik.

Obrađivač: Služba za geodetske i imovinsko-pravne poslove.

Materijal su razmatrali: Komisija za statutarna pitanja i propise, Komisija za ekonomske odnose, Komisija za prostorno uređenje i zaštitu okoline i klubovi vijećnika.

Ima li potrebe za uvodnim izlaganjem? Molim? Dobro. Dobro.

Evo, molim predstavnika Službe, gospođu Jasminu Šimlešu, šeficu Službe.

JASMINA HASANEFENDIĆ – ŠIMLEŠA – Pomoćnik gradonačelnika za Službu za geodetske i imovinsko – pravne poslove

Poštovane vijećnice i vijećnici Gradskog vijeća Grada Tuzla, predsjedavajuća, dopredsjedavajući, sekretar Gradskog vijeća, dragi gosti. Dakle, tražili ste uvodno izlaganje na pojedinačni upravni akt, koji se odnosi na odbacivanje zahtjeva Džambić Zlatka, za utvrđivanje prava vlasništva na zemljištu, koji evo dovoljno je da kažem nije u vlasništvu Tuzle, pa time nema ni uslova da se utvrdi pravo vlasništva.

NATAŠA PERIĆ

U redu. Hvala vam Jasmina.

Ima li potrebe da se pročitaju izvještaji komisija? (Nema).

Otvaram raspravu klubova vijećnika.

Zatvaram...Molim? Selma...Sabiha, izvoli.

SABIHA MUJKANović MUJAČIĆ – samostalni vijećnik

Stvarno moram iskoristiti priliku, nisam nikad do sada, ali zaista što se tiče gospođe Jasmine Šimleše, zaista je smatram nekim ko najbolje obavlja svoj posao, što se tiče pomoćnika gradonačelnika. Neko ko uvijek daje precizne, jasne, koncizna i podatke i objašnjenja i evo naprosto smatram da, da, da sam to trebala i javno reći. Hvala.

NATAŠA PERIĆ

Hvala Sabiha.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika i stavljam na izjašnjavanje Zaključak o odbacivanju, kao preuranjenog, zahtjeva za utvrđivanje prava vlasništva na izgrađenom gradskom građevinskom zemljištu (Džambić S. Zlatko, lokacija KO Par Selo), broj: 01/07-27-20827/22.

Molim vijećnike da se izjasne.

Glasanje je okončano.

Konstatujem da je pročitani Zaključak, usvojen sa 24 glasa za, nije bilo protiv i 1 suzdržan.

Prelazimo na šestu tačku:

RAZMATRANJE I USVAJANJE IZVJEŠTAJA O RADU I POSLOVANJU JAVNIH I DRUGIH PREDUZEĆA ČIJI JE OSNIVAČ ILI SUOSNIVAČ GRAD TUZLA ZA 2022. GODINU POD:

- a) Javno preduzeće Gradska veterinarska stanica d.o.o. Tuzla,
- b) Javno preduzeće Sportsko kulturno privredni centar „Mejdan“ d.o.o. Tuzla,
- c) Javno preduzeće Tuzla – Inkubator „Lipnica“ d.o.o. Tuzla,
- d) Javno komunalno preduzeće Saobraćaj i komunikacije Tuzla.

Predlagač je: Skupština preduzeća.

Obrađivač: menadžment.

Materijal su razmatrali: Komisija za ekonomske odnose, Komisija za poduzetništvo, Komisija za komunalne poslove i pitanja mjesnih zajednica (pod d) i klubovi vijećnika.

Ima li potrebe za uvodnim izlaganjem?

Ako nema...Molim? Aha. OK.

Da li ima potrebe da se pročitaju izvještaji komisija? Nema.

Otvaram raspravu klubova vijećnika.

Vijećnik Mensur Alić, predsjednik Kluba Tuzlanske alternative. Izvolite.

MENSUR ALIĆ – vijećnik Tuzlanske alternative

Zahvaljujem predsjedavajuća. Ovo je bila poslovnička. (NATAŠA PERIĆ – Poslovnička? Aha. Dobro). Znači, predlažem ponovo da kao i svaki put do sad ako su sva javna preduzeća i javne ustanove dostavile pismene odgovore na diskusije (NATAŠA PERIĆ – Jesu) i na pitanja koja postavljaju gradski vijećnici Grada Tuzle da na ovoj sjednici i na isti takav način da ne odgovaraju na pitanja, nego da dostave pismenim putem (NATAŠA PERIĆ – Najdalje do avgusta). Tako je, najdalje do avgusta (NATAŠA PERIĆ – Avgustovske sjednice). To je moj prijedlog, pa molim da stavite na glasanje. Hvala.

NATAŠA PERIĆ

Dobro. Molim da glasamo o ovom zaključku. Ko je za?

Glasanje je okončano.

Konstatujem da je predloženi zaključak usvojen sa

22 glasa za, niko nije bio protiv i 4 suzdržana.

Otvaram raspravu klubova vijećnika. Da li se neko javlja?

Vijećnik Omer Delalić ispred Kluba samostalnih vijećnika, kao predsjednik. Neka se pripremi vijećnik Anel Ibeljić ispred Kluba SDP-a.

OMER DELALIĆ – samostalni vijećnik

Hvala predsjedavajuća. Pročitao sam sve izvještaje. Ja kao sportski...(NATAŠA PERIĆ – Molim vas malo tišine samo), a kao sportski radnik, malo ću OBRAZLOŽITI IZVJEŠTAJE SPORTSKO KULTURNOG PRIVREDNOG CENTRA „MEJDAN“.

Mi često Mejdan nazivamo i „Hram sporta“ u Tuzli. Ponosni smo na mnoge sportske događaje koji su u Tuzli održani, a takođe smo ponosni i na način na koji ih građani Tuzli prate po čemu smo prepoznatljivi u Bosni i Hercegovini.

IZ IZVJEŠTAJA VIDIMO DA JE ODRŽANO 20 VELIKIH SPORTSKIH DOGAĐAJA. Ugostili smo i napravili izvrsnu atmosferu za reprezentativne selekcije u košarci, rukometu i odbojci. Sve reprezentativne selekcije vole da igraju u ovoj sali, jer je uvijek ispunjena i imaju veliku i glasnu podršku. Takođe je i održana utakmica Eurokupa u rukometu, gdje je učestvovala naša ekipa Rukometni klub Sloboda.

Pored sportskih takmičenja ODRŽANO JE 11 VELIKIH KULTURNIH DOGAĐAJA, a od toga 3 VELIKA KONCERTA U VELIKOJ DVORANI.

U toku je realizacija javnog poziva nabavka sportske infrastrukture, koševi, golovi za rukomet, oprema za teretanu. Dobio sam informaciju da je to već nabavljeno, a radi se o nabavci kvalitetne opreme za odbojkaška takmičenja, kao i veliki semafor u velikoj sali Mejdan.

Preduzeće je u 2022. godini, ušlo poslije Korone, a pored toga znamo i za veliku poplavu, što je u mnogome uticalo na otežano poslovanje u ovom objektu.

Ono što je bitno je da su se, da je izvršena sanacija i puštena je u rad velika sala 05.01., čime je vraćeno trenažni i takmičarski proces, što je veoma bitno za tuzlanski sport.

U izvještaju vidimo da je preko pet hiljada i petsto sati trenažnog procesa različitih sportova i klubova održano u salama Mejdana.

Značajno je spomenuti da dnevno kroz Mejdan prođe od petsto do hiljadu korisnika.

Od tekućih ulaganja u 2022. godini, vidi se da je u velikoj dvorani postavljeno 16 LED reflektora i sadašnji broj iznosi 56, tako da su sve reprezentacije igrale pod kvalitetnom rasvjetom. Zamijenjen je semafor u maloj dvorani. Uz podršku Grada nabavljena skela za rad na visini do 14 metara, čime je olakšano održavanje dijelova sale koje su uzdignuti.

Na prošlom Vijeću je kolega Elvir Bijedić govorio o gužvi i problemima prilikom nekih koncerata i sportskih događaja, kada neki posjetioci i pored kupljene karte ne mogu da prisustvuju događaju. U razgovoru sa direktorom sam dobio informaciju da Sportsko kulturno privredni centar „Mejdan“ pruža usluge izdavanja sale, obezbjeđenja kvalitetne infrastrukture za održavanje određenih događaja. Za sve ostalo je zadužen organizator, od prodaje karti, kao i organizaciju ulaza i obezbjeđivanje bezbjednosnih aspekata u dvoranama. Kolega Bijedić je dao i nekoliko kvalitetnih zaključaka, s kojim se ja slažem za poboljšanje uvjeta pri velikim događajima za gledaoce, a posebno bi podržao prijedlog da se karte numerišu, jer velika dvorana ima numerisana sjedišta i to bi bio najbolji način pri posjećivanju određenih kulturno-sportskih dešavanja. To možda može predstavljati problem u prvo vrijeme. Međutim, pri posjeti u velikim sportskim arenama sasvim je normalno da svako zauzima mjesto koje ima, koje mu je obilježeno na kartama. Hvala.

NATAŠA PERIĆ

U redu. Hvala. Sljedeći za riječ se javio Anel Ibeljić ispred Kluba SDP-a, kao predsjednik, a neka se pripremi Admir Hasanbašić ispred Tuzlanske alternative.

ANEL IBELJIĆ – vijećnik Socijaldemokratske partije

Hvala predsjedavajuća. Ja imam potrebu samo da kažem nekoliko riječi o izvještajima ovih preduzeća. Takođe iznijet ću i određene zaključke kako bi dodatno poboljšali rad ovih preduzeća.

Prije svega moram pohvaliti menadžmente svih ovih javnih preduzeća, iz razloga što su ova preduzeća upravo njihovih radom, ali takođe rad njihovih prethodnika postala jako stabilna i za naš grad veoma važna preduzeća.

KADA JE RIJEČ O VETERINARSKOJ STANICI TUZLA, unazad nekoliko godina ista je vodila pravnu bitku vezanu za poništenje spornog, a kako se ispostavilo nezakonitog pravilnika. Međutim, nekoliko godina je proteklo od pravosnažnosti sudske odluke, a u stvari nije se puno toga, ovaj, promijenilo, ali isključivo zbog krivice viših nivoa vlasti, koje ni dan danas ne žele da sprovedu ono što im je naloženo pravosnažnom odlukom Kantonalnog suda u Tuzli, što značajno otežava rad ovog preduzeća. Do sada smo evo svake godine usvajali određene zaključke povodom ovoga. Ja ću opet predložiti jedan zaključak kako bi otkočili i znatno poboljšali rad ovog preduzeća, odnosno kako bi djelovali na nadležne da poštuju pravni sistem ove države. Gradsko vijeće Tuzla traži od svih nadležnih institucija da poštuju pravosnažne sudske odluke.

KADA JE RIJEČ O JAVOM PREDUZEĆU „MEJDAN“, kao što ste mogli vidjet iz izvještaja, ovaj, on je jako uspješno poslovao, održale su se brojne manifestacije, kulturne, sportske, zabavne i mnogo toga je urađeno u proteklom periodu, ovaj, podržavamo ovo preduzeće u realizaciji ovih zacrtanih ciljeva, od kojih je jedan i izgradnja, odnosno, renoviranje postojeće Kuglane. Kako bi podržali, ovaj, rad ovog preduzeća, predlažem da donesemo zaključak:

Gradsko vijeće Tuzla traži od menadžmenta javnog preduzeća SKPC „Mejdan“ Tuzla da poduzme sve neophodne radnje aktivnosti kako bi se u što skorijem roku izvršilo renoviranje i adaptacija Kuglane.

Pored toga kako bi dodatno unaprijedili svoje poslovanje, prije svega kroz energetske efikasnost, predlažem da donesemo zaključak:

Gradsko vijeće Tuzla sugeriše menadžmentu JKP SKPC „Mejdan“ da se aktivno uključi u sve vrste projekata koji su usmjereni ka poboljšanju energijske efikasnosti objekta, kao i one projekte koje imaju za cilj proizvodnju električne energije iz obnovljivih izvora energije.

Moram istaći da smo i svjedoci da je prilikom organizovanja većih događaja PARKING gorući problem. Mišljenja sam da bi to mogli riješiti zatvaranjem istočnog parkinga za posjetioce, pa stoga predlažem da donesemo sljedeći zaključak:

Gradsko vijeće Tuzla traži od menadžmenta JKP SKPC „Mejdan“ da preduzme aktivnosti usmjerene na rješavanju pitanja problema parkinga.

Iz razgovora sa direktorom preduzeća uvidio sam, ovaj, da isti planira poduzeti određene aktivnosti. Sam je istakao kako je lokacija Mejdana pogodna i za postavljanje određenih reklamnih sadržaja, pa stoga predlažem zaključak da:

Gradsko vijeće Tuzla traži od menadžmenta da razmotri mogućnost postavljanja LED displeja ispred Mejdana koji bi služio u promotivne svrhe.

KADA JE RIJEČ O PREDUZEĆU INKUBATOR „LIPNICA“, to je preduzeće koje nam prije svega služi za pomoć pri radu start up i drugih osnovanih poslovnih subjekata.

Iz izvještaja sam uvidio da je jedan od problema preduzeća to što nemaju ugovor o dugoročnom zakupu sa zakupodavcem. Tačnije, imaju zaključen ugovor u periodu od 2019. do 2029. godine. To im predstavlja problem prilikom prijave na različite projekte usmjerene ka energetske efikasnosti, iz razloga što se u svim projektima zahtjeva pravo vlasništva nad nekretninom ili ugovor o dugoročnom zakupu. Kako bi preduzeće uspjelo da prođe na nekom od projekata, potrebno je zaključiti Anex ugovora o zakupu sa rokom zakupa na 25 godina, te stoga predlažem da:

Gradsko vijeće Tuzla traži od menadžmenta JP Inkubator „Lipnica“ da pokrene postupak zaključivanja Anex-a ugovora o zakupu sa zakupodavcem i to na način da se proba

ishodovati ugovor o zakupu na dugoročni period, a sve sa ciljem kako bi preduzeće dodatno poboljšalo svoje poslovanje kroz različite projekte energijske efikasnosti.

I na kraju, MORAM REĆI SAMO JOŠ NEKOLIKO STVARI O JAVNOM PREDUZEĆU SAOBRAĆAJ I KOMUNIKACIJE. Evo mišljenja sam da ćemo danas svi, ovaj, pohvalno govoriti o ovom preduzeću. Takođe, koristim priliku da pohvalim i rad direktora ovog preduzeća koji je stvarno vidljiv na terenu. Svaki dan se provode određene aktivnosti. Ja unazad dvije, tri godine, koliko sam vijećnik, često stvarno govorimo o rješavanju pitanja problema parkinga. Podnio sam stvarno dosta inicijativa i to je nekako moje prioritarno djelovanje, ovaj, u ovom mandatu, te predložiti takođe jedan zaključak povodom ovog pitanja:

Gradsko vijeće Tuzla traži od menadžmenta preduzeća da poduzme sve potrebne aktivnosti usmjerene ka rješavanju problema parkiranja i to prvenstveno kroz izgradnju montažnih parking garaža u najgušće naseljenim dijelovima Tuzle, u centru grada i oko fakulteta i univerziteta u Tuzli. Takođe, predlažem preduzeću da u narednom periodu poduzme aktivnosti usmjerene ka realizaciji projekta natkrivanja rijeke Jale, kao i kod zgrade Gradske uprave i na ostalim pogodnim lokacijama.

Mogli smo vidjeti evo, ovaj, na početku sjednice, kolega Mensur Alić je govorio o pitanju, o problemu gužvi koje se u posljednje vrijeme dešavaju u gradu i predložio određena, ovaj, rješenja. Evo i ja ću predložiti jedan zaključak:

Gradsko vijeće Tuzla traži od menadžmenta preduzeća da razmotri mogućnost postavljanje pametnih semafora ili izgradnje kružnih tokova na najfrekventnijim raskrsnicama u gradu.

I još jedna stvar i neću više, ovaj, govoriti o izvještajima. Svjedoci smo da u posljednje vrijeme sve se više govori o nekoj elektrifikaciji i prelasku, ovaj, na električna vozila. To će svakako desiti se u Bosni i Hercegovini u narednom i skorijem periodu. Možemo vidjeti čak i na našim cestama da imamo sve više električnih vozila. Međutim, koliko je meni poznato Saobraćaj i komunikacije još nisu napravile niti jednu punionicu za ova električna vozila, te stoga ću predložiti da:

Gradsko vijeće Tuzla traži od menadžmenta da u narednom periodu razmotri mogućnost postavljanja punionice za punjenje električnih vozila.

Eto toliko od mene. Hvala.

NATAŠA PERIĆ

U redu. Hvala. Sjedeći za riječ se javio vijećnik Admir Hasanbašić ispred Kluba Tuzlanske alternative, a neka se pripremi vijećnica Selma Čatibušić.

ADMIR HASANBAŠIĆ – vijećnik Tuzlanske alternative

Hvala predsjedavajuća. Klub vijećnika Tuzlanske alternative razmatrao je izvještaj o radu ova naša četiri javna preduzeća i pohvalno je što su sva četiri javna preduzeća pozitivno poslovala u 2022. godini. Mnogo toga rekle su kolege Omer Delalić i kolega Anel Ibeljić i ne bih želio da se ponavljam.

Ali evo moram istaći da GRADSKA VETERINARSKA STANICA TUZLA zaista na čelu sa direktorom Jasminom Ferizbegovićem kvalitetno obavlja sve zahtjeve, sve usluge, tako da je prepoznatljiva ne samo u gradu Tuzla nego i na Tuzlanskom kantonu, iako redovno nailaze na velike probleme na terenu, vezano i za učestalu pojavu privatnih veterinarara.

Ono što je još bitno, a to je da je i sam osnivač Grad Tuzla prepoznao rad naše Veterinarske stanice i da je u odnosu na 2021. godinu, povećao sredstva iz budžeta na 360.000 Konvertibilnih maraka koje su svakako dobro usmjerene i u mnogome poboljšale programe zdravstvenog zbrinjavanja nezbrinutih životinja, zatim dezinfekciju, dezinsekciju, deratizaciju

i kontrolu populacije pasa. Naime, iskrene čestitke direktoru i uposlenicima na dosadašnjoj kvalitetnoj usluzi i zaštiti životinja.

ŠTO SE TIČE JAVNOG PREDUZEĆA SPORTSKO KULTURNO PRIVREDNI CENTAR „MEJDAN“, treba reći da je zaista izvještaj odlično urađen, a posebno mi se sviđa ovaj jasan svot, analiza poslovnog okruženja koja je jako bitna za svaki izvještaj o radu i pohvala za povećanje prihoda u 2022. godini i naime, menadžment je mogo radio na samom prijavljivanju na javne konkurse, a tu se prije svega u izvještaju može vidjeti na konkurse od Ministarstva kulture, sporta i mlade Tuzlanskog kantona, zatim, Ministarstvo prostornog uređenja TK-a, zatim Federalno ministarstvo kulture i sporta. E to je ono ključno što naši direktori treba, treba da rade, znači, da se ne dobivaju i da se ne čeka samo na sredstva iz budžeta Grada Tuzla, nego i da se ta sredstva ostvaruju kroz odgovarajuće prijave i fondove.

I želim čestitati ovom direktoru i uposlenicima, posebno na jednoj stvari koja je navedena u ovom izvještaju, a to je njihovo djelovanje van objekta Mejdana, a to je, naime, obnova otvorenih sportskih terena, kao što možemo vidjeti tamo na Brčanskoj Malti, na Slatini. Znači, nisu samo djelovali u Mejdanu, nego su i popravljali sportsku infrastrukturu u drugim otvorenim sportskim objektima našega grada.

ŠTO SE TIČE JAVNOGA PREDUZEĆA RPC „LIPNICA“, treba reći da je osnovano u svrhu unapređenja ekonomskog razvoja grada Tuzla, sa posebnim akcentom na razvoj malih i srednjih preduzeća.

Treba istaći da je u dosadašnjem periodu tu svoju ulogu opravdalo i upravo treba ići u onom smjeru koji je rekao kolega Anel Ibeljić, da se izvrši Anex ugovora sa Rudnikom Kreka, da bi se moglo aplicirati i da bi se mogli poboljšati uslovi za sve one korisnike, znači, starta preduzeći da bi mogli imati bolje uslove u prostorima RPC „Lipnica“.

U 2022. godini, treba reći da je Centar poslovao pozitivno samo zbog jednog razloga, a to je što se naplatila potraživanja iz ranijeg perioda i to u iznosu od 60.000 Konvertibilnih maraka. Da tih sredstava nije bilo, preduzeće bi negativno poslovalo.

Zbog toga, ja želim ovdje predložiti jedan zaključak i reći da mi je jako žao što u rebalansu budžeta jedino Mejdan i RPC Lipnica su javna preduzeća koja dobivaju sredstva iz budžeta Grada Tuzla, nisu dobili ni jednu konvertibilnu marku, a sva ostala su dobila.

Zato predlažem zaključak da se rebalansom budžeta ili unutrašnjom preraspodjelom izvoje sredstva u iznosu od 70.000 Konvertibilnih maraka, za normalno funkcionisanje, znači, RPC Lipnica.

Ujedno želim iskoristiti priliku da čestitam i direktorici Amiri Malkočević na imenovanju, jer je ona od januara, znači, direktorica i napravila je velike pozitivne pomake u ovom preduzeću, posebno kada je u pitanju sama atmosfera, atmosfera u javnom preduzeću i zaista taj, to preduzeće diše kao jedna porodica, što se može provjeriti kroz razgovore sa samim uposlenicima.

I, na kraju, treba reći da RPC Lipnica nije profitabilno preduzeće i zaista treba osnivač, tj. Grad Tuzla da uvijek vodi računa o tome i da se gleda i da se sluša, slušaju inputi koje menadžment RPC Lipnica šalje ka Gradskoj upravi i da se zajedničkim snagama pokušaju riješiti problemi, koji, koji su trenutno na terenu.

I, na kraju, moram nešto reći i o JAVNOM KOMUNALNOM PREDUZEĆU SAOBRAĆAJ I KOMUNIKACIJE. Treba reći da je to preduzeće još 2022. godine, znači, počelo sa nekoliko velikih projekata, a koji će biti završeni u 2023-oj.

Prvi veliki projekat koji je završen jeste uređenje prostora u naselju Kojšino, gdje je, znači, smještena mehanizacija, gdje je napravljen magacin za opremu, gdje je napravljen jedan savremeni servis za održavanje vozila, zatim odličan ambijent za uposlenike ovog Javnog preduzeća.

Drugi projekat koji je takođe jako bitan, jeste proširenje kapaciteta parking mjesta na lokaciji bivše „Kajmak stanice“, odnosno, ulice Albina Herljevića na Slatini i imamo ovdje dio Trg slobode.

I treći svakako jeste ovaj projekat koji traje i koji će trajati, a to je zamjena postojeće halogene rasvjete LED rasvjetom, gdje smo zaista ostvarili veliku, veliku uštedu i do nekoliko stotina hiljada Konvertibilnih maraka.

I moram reći jednu vrlo bitnu stvar. Jedan od rijetkih direktora koji poštuje dignitet Gradskog vijeća, odnosno, svakog gradskog vijećnika po na osob. I evo ja ću samo navest nekoliko stvari koje je ovo preduzeće realizovalo, a sve su u stvari inicijative gradskih vijećnika.

A to su: postavljanje četiri stotine bosanskohercegovačkih zastava na sjevernoj magistrali. Zatim, naplata usluge parking prostora SMS porukom. Zatim, ponovno pokretanje turističkog vozila. Nabavka „Pauk“ vozila. Postavljanje videonadzora u gradu. Digitalno upravljanje javnom rasvjetom. Dekoracija grada za vrijeme praznika. Pored realizacije ovih velikih projekata treba istaći da nisu zapostavljeni ostali redovni radovi, što se prije svega misli na horizontalnu i vertikalnu signalizaciju i održavanje javne rasvjete, gdje sada zaista nemamo problema, što su svjedoci i sami građani.

I na kraju, želim čestitati direktoru Nedžad Malikiću, koji je napravio jedan zaista preporod u Javnom preduzeću Saobraćaj i komunikacije, sa jasnom vizijom kako izdici kvalitet rada na viši nivo, te svakako uposlenicima, uposlenicima, koji daju svoj maksimum, što je takođe direktor prepoznao i što je znači po Uredbi Vlade Federacije, znači, donio odluku da se odobri isplata od 1.080 Konvertibilnih maraka, jer jako je bitno znati da ukoliko imamo zadovoljnog uposlenika, on će svakako dati, dati svoj maksimum.

I još jedna, ne tako, ajd da kažem manje važna stvar jeste da je nabavljena i nova oprema za sve uposlenike, tako da su oni fenomenalno obučeni u radnoj opremi, što u stvari predstavlja, predstavlja imidž jednog javnog, javnog preduzeća.

I svakako Klub vijećnika Tuzlanske alternative će podržati sva četiri izvještaja ovih naših javnih preduzeća. Hvala.

NATAŠA PERIĆ

U redu. Hvala kolegi Hasanbašiću. Sljedeća za riječ se javila vijećnica Selma Čatibušić, ispred Kluba Platforme za progres. Neka se pripremi vijećnik Mirel Mišković. Izvolite.

SELMA ČATIBUŠIĆ

KADA JE U PITANJU JAVNO PREDUZEĆE SAOBRAĆAJ I KOMUNIKACIJE, drago mi je što je evo kolega Hasanbašić prethodio mom izlaganju, jer i ja ovim putem zaista želim da pohvalim direktora ovog Javnog preduzeća, koji je sigurno mogu reći direktor koji ima najbolju komunikaciju sa svim vijećnicima i vijećnicama, pri tome ne vodeći uopšte brigu o tome ko je iz koje stranke, da li je neko dio vlasti ili dio opozicije. Svaki put kad sam gospodina Malikića nazvala za bilo šta, u bilo koje doba dana, da li sam postavila neku inicijativu pismeno ili usmeno, il sam jednostavno tražila neku intervenciju da se desi u nekom brzinskom roku, mogu slobodno da kažem da je gospodin Malikić u najkraćem mogućem roku odgovorio na to.

Naravno, svi smo svjesni da imamo problema sa parking mjestima. To je jedan od gorućih problema u našem gradu, ali smatram da svakako jedno preduzeće ne može preuzeti cijelu odgovornost za to, nego moramo da shvatimo da smo i mi kao grad kapacitirani i obzirom na to da sada svaka porodica ima, mislim, skoro pa minimalno dva vozila, a pri tome su se i zgrade pravile kako su se već pravile, a i evo i dan danas bez na neki način nekog plana,

podzemnih garaža ili nešto slično, tako da moramo i kao građani i građanke biti svjesni da će ovaj, ovaj problem trebati sigurno narednih par godina da se u potpunosti riješi, a svakako ću podržati svaku inicijativu kada je u pitanju rješavanje ovog problema.

Sve ono što je kolega Hasanbašić naveo, konkretno za direktora i menadžment ovog preduzeća mogu da potvrdim. Sretna sam što je napokon nabavljeno i „Pauk“ vozilo, obzirom na moju inicijativu iz prve godine mandata kao...i sretna sam što će napokon vozila koja eto godinama ili više ili više od desetak godina stoje na mjestima, zagađuju okolinu, zauzimaju mjesta, napokon biti premještena sa tih područja.

Ono što bih zamolila menadžment Saobraćaj i komunikacije jeste jedan problem koji definitivno imamo svi, tj. problem kandže i nekako od početka ovog mandata svi smo se vrlo često usmjerili na taj problem da to zaista, zaista onako predstavlja jednu veliku poteškoću, na neki način nije ni ustavno i sve to, ali u razgovoru sa direktorom vidjela sam da zaista i oni bi se na neki način voljeli riješiti te kandže. Ali imaju određene poteškoće. Pa mislim da bi bilo dobro da se na neki način dostavi neki pismeni odgovor šta zapravo koči da se konačno kandža ukine, a da vidimo na koji drugi način najbolji i naj, naj prihvaljiviji jel da se sankcioniše, naravno, neplaćanje parkinga.

Tako da kada je u pitanju Klub vijećnika Platforme za progres, kolegica danas nije tu s nama, ali znam da svakako da bi podržala. Hvala direktoru što ovakvu ima komunikaciju. Njegov izvještaj ćemo svakako podržati i to je što se tiče Saobraćaja i komunikacije.

KADA JE U PITANJU SPORTSKO KULTURNI CENTAR „MEJDAN“, voljela bih samo da predložim dva zaključka:

Prvi zaključak bi bio da Grad Tuzla traži, odnosno Gradsko vijeće traži od menadžmenta Sportsko kulturnog centra „Mejdan“ da razmotri i prikupi sve potrebne informacije od cijena, predračuna i slično, za obnovu svih stolica u Sportsko kulturnom centru „Mejdan“, kao i mogućnost postavljanja murala ili štampanih velikih fotografija naših najvećih sportista, naših velikana, na ulazu u veliku dvoranu Mejdana, kao i manje fotografije u svlačionicama, kako bismo uljepšali naš sportski hram, te iste informacije dostavi Gradskom vijeću da bismo mi u narednom periodu, a možda već i u narednom budžetu vidjeli mogućnost za obezbjeđivanje novca iz budžeta za ove potrebe, ali i u saradnji sa službama, a možda čak i novcem putem projekata i finansiranja od strane donatora kako stranih, tako i domaćih ili putem javne kampanje, npr. „Vratimo Mejdanu sjaj“, nabavimo ovaj novac i Mejdan nekako napravimo više reprezentativan.

Drugi, drugi zaključak bi bio da Gradsko vijeće Grada Tuzle predlaže zaključak da se ispred Mejdana postave tri velika jarbola koja će biti osvijetljena sa velikom državnom zastavom, zastavom Grada Tuzle i zastavom sa logom Mejdana.

KADA JE U PITANJU IZVJEŠTAJ MEJDANA, to je ono što sam imala da, da predložim. Također i ovi izvještaji će biti što se tiče nas usvojeni.

I KADA JE U PITANJU VETERINARSKA STANICA, voljela bih da mi se samo dostavi odgovor, pošto nisam iskreno, možda sam preletila i u izvještaju.

Da li Veterinarska stanica uopšte ima dežurnog veterinara i da li to podrazumijeva da se tog konkretno veterinara može kontaktirati u toku 24 časa?

Toliko što se mene tiče. Hvala.

NATAŠA PERIĆ

U redu. Hvala. Znači, podsjećam direktore da će dobiti Stenograme i sva pitanja koja su i prijedloge, ovaj, da ćete imat uvid.

Vijećnik Mirel Mišković ispred Kluba samostalnih vijećnika. Izvolite.

MIREL MIŠKOVIĆ – samostalni vijećnik

Zahvaljujem. Evo danas imamo četiri preduzeća na Dnevnom redu, da raspravljamo njihove izvještaje. Sva ova preduzeća su sa novim upravama i novim menadžmentom. Vidi se u njima jedna nova energija, nova snaga. Mislim da nam je to dobar put i za ostala preduzeća, da se razmisli i da se naprave promjene u samim menadžmentima kako bi dobili što kvalitetnija preduzeća.

Za sva ova četiri izvještaja mi ćemo glasati, daćemo podršku. U potpunosti se slažemo sa bi...ovaj, sa prethodnim ovim našim sagovornicima, da su dobri, da mogu biti još bolji i dajemo im podršku.

Ali evo dali bi samo neke sugestije za JAVNO PREDUZEĆE SKPC „MEJDAN“ I SAOBRAĆAJ I KOMUNIKACIJE, a to je obnova i pokretanje rada Kuglane.

Druga sugestija bi bila numerisanje karti sa sjedenje pri raznim sportskim događajima, kako ne bi se stvarale nepotrebne gužve. Za onog ko organizuje događaj, da bude uslov da njegove karte moraju biti numerisane i ovaj da ne bi bilo, da ne bi neko ko kupi kartu ostao ispred dvorane. Mislim da to nije lijepo prema našim građanima.

Drugi prijedlog za Mejdan, to je pregled svih događaja koji se dešavaju na internet stranici, kako bi oni bili što posjećeniji. Građani bi volili da, da imaju pregled tih događaja koji će se dešavati u narednih sedam dana, u narednih petnest dana, u narednih mjesec dana, kao i satnicu kad se oni dešavaju, kako bi mogli i svoje slobodno vrijeme spram tih događaja da se rasporede.

Jedna još dobronamjerna, ovaj, sugestija za Mejdan, da se obrati pažnja pri velikim padavinama na rad pumpne stanice, posebno u ovakvim vremenskim prilikama, kao što su one sad, da ne bi došlo do poplava koje su bile skoro. Znači, te pumpne stanice bi se trebale non stop da nadgledaju kad su ovake padavine u gradu.

I EVO IMAM JEDAN PRIJEDLOG ZA PREDUZEĆE SAOBRAĆAJ I KOMUNIKACIJU. Da se dodijeli besplatan parking za sve vlasnike električnih automobila, kako bi se smanjio, smanjilo zagađenje u centru grada, a samim tim inspirisali građane za nabavku ovih automobila. Evo, zahvaljujem.

NATAŠA PERIĆ

Hvala Mirele. Da li se još neko javlja ispred klubova vijećnika prvi put? Ako se ne javlja niko ispred klubova vijećnika prvi put, onda idemo drugi krug. Vijećnik Anel Ibeljić ispred Kluba SDP-a. Neka se pripremi vijećnica Čatibušić. Izvolite.

ANEL IBELJIĆ

A ja ću samo kratko predsjedavajuća. Zaboravio sam, napravio sam jedan previd. Imam jedno samo pitanje za direktora Mejdana:

U kojoj fazi realizacije inicijative vijećnice Merime Softić o uređenju spomen sobe sa stalnom postavkom istaknutih vrhunskih sportskih ličnosti i njihovim vrhunskim rezultatima?

Obzirom da su naveli da im je za ovaj projekat trebao obezbijediti dodatna sredstva, da li se menadžment obratio Službi za finansije Grada Tuzle i da li je aktuelni gradonačelnik upoznao sa ovom inicijativom, odnosno idejom? Hvala.

NATAŠA PERIĆ

U redu. Hvala. Selma, izvolite.

SELMA ĆATIBUŠIĆ

Iskreno, prethodni kolega me je inspirisao za ovaj zaključak, tako da bih predložila samo još jedan zaključak:

Gradsko vijeće Tuzla traži od menadžmenta svih preduzeća i ustanova čiji je osnivač Grad Tuzla da pokrenu Facebook stranice i da na dnevnom nivou vrše nadogradnju ili abdejtovanje tih Facebook stranica, kako bi građani i građanke koji su najviše na Facebook-u zapravo imali uvid o svim aktivnostima. Ovo je dobronamjerna zaista sugestija, jer ljudi nažalost ne posjećuju dovoljno ni našu zvaničnu stranicu Grada, a opet na zvaničnoj stranici Grada ne mogu bit sve aktivnosti. Tako da mislim da je ovo zaista potrebno. Znam da predstavlja na neki način dodatno zalaganje određenog uposlenika neke ustanove ili preduzeća, ali mislim da se u svakoj ustanovi ili preduzeću može naći na neki način ko je talentovan za taj dio i koji bi se mogao dnevno jedan sat posvetiti, čisto da napravi par fotografija i da, je li objavi ono što se desilo. Ne mora to naravno biti svaki dan, ali u toku jedne sedmice, čisto da, da svi budu upućeni šta se dešava. Eto, hvala.

NATAŠA PERIĆ

U redu. Hvala. Zaključujem raspravu klubova vijećnika.

Otvaram raspravu vijećnika. Prvi za riječ se javio vijećnik Elvir Bijedić. Neka se pripremi vijećnik Muratović.

ELVIR BIJEDIĆ – vijećnik Socijaldemokratske partije

Zahvaljujem predsjedavajuća. S obzirom da se prvi put javljam (NATAŠA PERIĆ – I samo da kažem, pet minuta je diskusija vijećnika) sve vas srdačno pozdravljam. Dakle, trudiću se da zaista budem što je moguće kraći.

Kratko ću prokomentarisati kao vijećnik, dakle, izvještaje preduzeća.

Kad je MEJDAN u pitanju, evo, mislim, dozvolite, možda pokušat ću da budem maksimalno objektivan, iako kao i svih vas jel sve moje emocije su vezane za Mejdán. To je objekat koji traje već skoro 40 godina i koji je prošlo znamo jako dobro šta sve i rat i ratna zbivanja i smještaj prognanin i izbjeglih lica iz onih dijelova Bosne i Hercegovine, koji su bili pod agresijom, odnosno, pod, ovaj, okupacijom u tom u samom početku rata. Znamo da je prolazio kroz turbulentne faze i poplave i zahvaljujući prije svega, dakle, menadžmentu, ovom Gradskom vijeću, Gradskoj upravi, uspio je odoli svim tim iskušenjima i stvarno izgleda inpozantan, vrlo inpozantan i uprkos svim tim godinama, ovaj, trude se ljudi da ga održe zaista na visokom nivou.

Dakle, ono što me posebno raduje jeste i...hvala kolegi Omeru Delaliću koji je istaknuo, ovaj, moju inicijativu sa prošlog, sa prošle sjednice Vijeća i drago mi je da sam i kolegu Miškovića inspirisao da da jedan takav zaključak, koji bih ja ukoliko se on slaže samo dopunio.

Dakle, da numeracija sjedišta, znamo iz kojih razloga i to je stajalo u inicijativi, i kolega Delalić je to, ovaj, obrazložio, dakle, da se izbjegnú gužve u Mejdánu, da se stvori bolji ambijent u smislu kvalitetnijih praćenja sportskih i ostalih dešavanja i manifestacija. Ali dopuna kolegi Miškoviću, ukoliko, naravno, bude saglasan on i cijelo Gradsko vijeće, dakle, da se izvrši i procjena menadžmenta u saradnji sa organizatorom, sa zaštitarskom agencijom, sa policijom, u smislu broja posjetilaca na parteru, kad su u pitanju koncerti, s obzirom da se, ovaj, radi o situaciji u kojem treba da imamo prohodne ulaze i izlaze, kao i pristup uposlenicima Službe hitne medicinske pomoći, koji su obavezni da prisustvuju takvim jednim, tako jednom događaju.

Dakle, Mejdan, ako već imamo u prefiksu imena Sportsko kulturno privredni centar „Mejdan“, dakle, gdje je „Sportsko“ na prvo mjestu, ja bih predložio još jedan zaključak, dakle, ukoliko ste saglasni da zahtjevamo od menadžmenta Mejdana, dakle, da dosljedno već sada počne sprovoditi Zakon o zabrani pušenja, obzirom da mi, odnosno oni kao Sportsko kulturni privredni centar „Mejdan“, ako se radi o sportskim manifestacijama, mi trebamo da budemo primjer svima ostalima. Dakle, ja znam da su oni već na par mjesta istakli zabranu pušenja, ali evo u tom kontekstu, dakle, da se sklone pepeljare sa stolova i da uposleni u sektoru ugostiteljstva i obezbjeđenja dodatno još obrate pažnju, dakle, konzumentima usluga ugostiteljskih da je zabrana pušenja na snazi.

KAD JE U PITANJU JAVNO KOMUNALNO PREDUZEĆE SAOBRAĆAJ I KOMUNIKACIJE, biću kratak. Već nas stalno uvjeravaju, dakle, u mogućnosti funkcionisanje jednog takvog javnog preduzeća na jedno vrlo visokom nivou bez obzira kakve zadatke stavili ispred njih. Neću se ponavljati. Odavdje su otišle jako puno inicijativa, koje se odlično realizuju. Pokazali su i pokazuju jedan visok nivo društvene odgovornosti na snažnoj promociji Grada u saradnji sa ostalim preduzećima, sa Turističkom zajednicom i, ovaj, ja im želim od srca samo da nastave ovako uz punu podršku, ovaj, punu podršku Gradskog vijeća. Hvala.

NATAŠA PERIĆ

Hvala kolega Bijediću. Sljedeći za riječ se javio vijećnik Muratović. Neka se pripremi vijećnica Sabiha Mujkanović. Izvolite Damire.

DAMIR MURATOVIĆ – samostalni vijećnik

Hvala predsjedavajuća. Poštovanje.

Pošto je kolega Mišković dotakao se ova tri preduzeća i najviše SKPC „Mejdan, JA ĆU SE DOTAKNUT PREDUZEĆA SAOBRAĆAJ I KOMUNIKACIJE. Ne bih da se ponavljam, a ono što je očito je da je poslovanje preduzeća od dolaska novog menadžmenta zaista uspješno i posebno ističem znači tu pozitivnu promjenu u rukovođenju kao i kolega Mišković, širenje javnih parkirališta, uređenje i rekonstrukcija baze servisa u Kojšinu, održavanje sistema semaforizacije, videonadzora, javne rasvjete i zaista širok spektar djelatnosti i bez obzira što imaju manje od 50 zaposlenih, ovo javno preduzeće je stvarno ponos grada i jedno od, da tako kažem opet rijetkih preduzeća koji svi građani jednoglasno hvale.

Posebno želim istaći svih pet sektora. Znači, podjelu organizacionu koja je jako kako fleksibilna, tako i efektivna. Znači, oni šire svoje djelatnosti kontinuirano. Opravdavaju uložena sredstva. Najbolji pokazatelj u radu preduzeća je finansijski, finansijski rezultat poslovanja, znači, ostvareni prihodi u odnosu na 22. i 21. godinu.

I posebno ističem, da se ne ponavljam. Kolege su dosta rekli o tome. Investiciona ulaganja, znači, za period ove dvije godine su zaista respektabilna i mi, znači, kao Klub ćemo definitivno podržati izvještaje o radu sa zadovoljstvom.

Samo želim jedan zaključak, pošto se evo većina kolega, rijetko koji vijećnik i vijećnica nisu predlagali ugradnju na određenim lokacijama zbog sigurnosti saobraćaja usporivača brzina i ja sam lično više puta, znači, predlagao, znači, samo predlažem jedan zaključak Gradskom vijeću, znači, da:

Gradsko vijeće predlaže da se umjesto gumenih usporivača brzine koji zaista nisu trajni i koji su jako skupi i zahtjevaju proces javne nabavke i svega ostalog, znači, usporeno, te se lako oštećuju posebno u zimskim mjesecima, kada se čisti snijeg, znači, nisu dugoročno rješenje, da se na svim neophodnim mjestima gdje treba usporiti brzinu automobila postavljaju uzvišeni pješački prelazi od asvalta. Znači, to je zaključak. To obrazlažem činjenicu da su se ovi uzvišeni pješački prelazi svugdje u gradskim i prigradskim sredinama pokazali jako

efikasnim i da ih Saobraćaj i komunikacije puno lakše nabavlja, a posebno ističem da je javna nabavka ovih gumenih dosadašnjih, ne samo zbog visine, nego i zbog svega ostalog, znači, nisu nam trajno, trajno rješenje. Tako da smatram da bi se i menadžment složio u razgovoru sa zaposlenicima i sa direktorom došlo do nekog zaključka da te javne nabavke traju i da je jako usporeno, a bez obzira koliko smo inicijativa podnijeli, evo, gledao sam realizaciju inicijativa, koja ide preko Službe za komunalne poslove, jako, jako sporo to ide, s obzirom da to nisu neki veliki, veliki radovi, tako da bi predložo Gradskom vijeću ovaj zaključak, smatram jako realnim. Hvala.

NATAŠA PERIĆ

Hvala kolegi Muratoviću. Sljedeća za riječ se javila vijećnica Sabiha Mujkanović. Neka se pripremi vijećnik Berbić. Izvolite.

SABIHA MUJKANOVIĆ MUJAČIĆ

Zahvaljujem predsjedavajuća. S obzirom da se prvi put javljam za riječ, najprije da sve pozdravim. Moja diskusija će biti veoma kratka. Ono što ja želim da pohvalim kod javnih preduzeća jeste posebno nove menadžmente u preduzećima Mejdani, Saobraćaj i komunikacije i Inkubator-Lipnica i mislim da se zaista osjete promjene.

ONO ŠTO KOD MEJDANA ŽELIM DA POHVALIM jeste da sam primijetila da su zaista uzeli u obzir primjedbe, sugestije koje su im upućivane, a i vijećničke inicijative koje su se odnosile na njih, pa su ih isto tako primijenili.

Slažem se sa prijedlozima kolege Mirela, podržavam, samo što mislim da Mejdani ima stranicu za najavu događaja. Za Mejdani smo normalno svi emotivno vezani. Mi smo grad košarke. Mejdani je naš hram košarke i nekako ga svi vežemo za košarku i onako nekad zaboravimo i da je preduzeće. Ono što ja sugerišem menadžmentu Mejdana, ja mislim da sam to gorovila i u onom prethodnom mandatu i znam da je teško rješivo, ali eto čisto da pokušamo nešto. Znam da su svi oni prazni prostori privatni, ali da vidimo da li se pravno može donijeti neka odluka, makar da se uredi oni izlozi, čisto da ljepše izgleda čitav taj prostor kada se uđe u Mejdani, a ne da izgledaju onako kako izgledaju. Ja ovdje želim da se nadovežem na diskusiju kolege Admiru i da kažem da podržavam da su Inkubator i Mejdani jedina dva preduzeća kojih nije bilo u... koja nisu dobila sredstva iz budžeta Grada i ako se on slaže, ja bi se nadovezala na njegov zaključak i zatražila ista sredstva i za SKPC „Mejdani“, kao što su zatražena i za Inkubator-Lipnicu.

ŠTO SE TIČE SAOBRAĆAJA I KOMUNIKACIJA, što se mene tiče zaista procvat preduzeća. Zaista sve pohvale. Vjerujem među našim najboljim preduzećima i vjerujem da će u narednim godinama biti još efikasniji i efektivniji.

Ono što želim zamoliti direktora, al i menadžment jeste da razmotre inicijativu koju sam uputila, a vezano je za postavljanje usporivača brzine na kružnom toku Skver, znači iz pravca Muzičke škole prema Domu zdravlja, jer je zaista teško izaći iz pravca Kojšina i 6. bosanske brigade, zato što je vidljivost smanjena zbog Behrambegovog portala, pa bi bilo dobro da se gore postavi neki usporivač, a vjerujem da, da to sad puno, da me puno bolje razumiju i sami radnici Saobraćaj i komunikacija.

ŠTO SE TIČE INKUBATORA „LIPNICA“, puna podrška novom menadžmentu i direktorici i vjerujem da ćemo naredne godine gledati još veći napredak ovog preduzeća.

Puna podrška svim izvještajima. Zahvaljujem.

NATAŠA PERIĆ

U redu. Hvala. Sljedeći za riječ se javio vijećnik Berbić. Neka se pripremi vijećnik Mehmedinović. Izvolite.

OMER BERBIĆ

Hvala ljepo. Znači, kada pogledamo sve izvještaje i sva ova hvalisanja, evo koja slušamo, nije stanje toliko bajno da se baš ovoliko hvali. Stanje je korektno. Ide svojim tokom. Nema nekih prevelikih oscilacija gore- dole. Svi su uradili neki projektić javnim parama i to je onako vrlo korektno. Nije baš za ovoliko hvalisanje, ali jest korektno. Ne može tu čovjek ništa reć. Nemamo neka javna preduzeća u minusima. Javna preduzeća rade kako rade u nekoj špuri i to ide, to ide kako ide. Nema nekih prevelikih razlika i ideja, osim u jednom preduzeću.

SAOBRAĆAJ I KOMUNIKACIJE, kada bi se postavljala neka vrsta podijuma za javna preduzeća, saobraćaj i komunikacije sa novim direktorom zaslužuje broj jedan, a onda tek nakon trice sva ostala javna preduzeća mogu da se stave. Zašto ovo govorim? Ja mislim da ne postoji ni jedna manifestacija, ni jedna stvar koja se u Tuzli radi da neko ne nazove Saobraćaj i komunikacije. Ljude čija je osnovna djelatnost održavanje parkinga, sada i rasvjete, pa i stubića, pa ograde, pa razvoda ovog, razvoda onog, pa održavanje sad gledam ljudi rade i fontane, ljudi rade i pripreme kada je 15. i 25. maj. Nema šta ljudi ne rade.

Ove ljude posebno treba pohvaliti. Ja sam odlučio na ovoj tački ove ljude da posebno pohvalim. Zato što ne samo direktor, koji siđe i radi dole s radnicima, ja to nisam vidio ni u jednom drugom preduzeću. Možda nisu toliko na očima. Ja se izvinjavam, ako ima još nekih direktora da je to radio. Al Nedžad siđe, obuče odijelo i radi s radnicima. E to je pravi, pozitivan, svijetao primjer dobrog direktora. Direktora koji je došao u jedno preduzeće, koje je bilo uljuljkano, otprilike ko sva preduzeća i koji je napravio pravu razliku.

Vi kada čitate ovaj izvještaj, znači, ja sam tri izvještaja stavio, ne bi uopšte da, da idem pojedinačno. Ja sam tri izvještaja stavio pored ovog izvještaja. Ovaj izvještaj je deblji od tri izvještaja. Kada vidite šta ljudi rade, pa ovdje ima jedno 30 tačaka koje su oni uradili. Razdjelnik rasvjete na stubu, pješački prelazi, montaža kružnog toka, zamjena LED dioda, trake FENZ, redukcija za lampe, ugradnja 24 konzola i tako dalje i tako dalje. Ne može se u pet minuta sažeti ovo što je ovdje napisano. Ovo preduzeće treba da se stavi na podijum. Sad ne govorim da su ostala preduzeća loša. Kada dođe do zamjene direktora vidi se napredak u svim preduzećima.

I drago mi je da smo barem evo za vrijeme ovog mandata zamijenili, četiri, pet, šest starih direktora. Šteta je što je, ima i starih direktora koji rade svoj posao, u to ne ulazim. Ali šteta je, šteta je što ovakvu energiju ne vidimo, ne vidimo i u drugim javnim preduzećima, jer sam siguran da bi druga javna preduzeća isto tako mogla napraviti jedan ovako pozitivan bum. I svaku marku platiti, a vidio sam ovdje da su relativno visoke plate u Saobraćaj i komunikacije. Ljudi su zaradili. I zaradili su 30% više od ovog. Ja nisam do sada, evo ja sam ovdje dvije tri godine u Vijeću. Prije toga sam se aktivno bavio pet godina. Ja nikad nisam nekog ovako pohvalio. Pogotovo ima težinu kad dolazi od mene, jer nemam interesa niotkog. Nikog nisam zaposlio. Nikog nisam stavio u upravni i nadzorni odbor. Ni jednog direktora nisam postavio. Ovo ima još veću težinu.

Za ove ostale, ovaj (NATAŠA PERIĆ – Imate minutu, samo da znate). OK. Javiću se ja, javiću se ja na drugom, ovaj...javiću se ja na, na, na, na drugom pozivu, ali volio bi da Gradsko vijeće da, usvoji jedan zaključak, a to je zaključak da:

Gradsko vijeće sugeriše ograničavanje mandata direktorima javnih preduzeća i javnih ustanova. Na dva mandata. Jer kada vidite ovakvu energiju, to je zato što vidite da su došli novi ljudi. Bolji ljudi. Da ljudi žele da naprave promjene. Dva mandata u svakom javnom preduzeću

je taman. Ni previše, ni premalo. Kao predsjednički mandat u Americi. Dva mandata. Čovjek se nakon dva mandata umori i dolazi do zamora materijala i to je sasvim prirodan proces. Ja bi volio da Gradsko vijeće donese zaključak da:

Gradsko vijeće sugerira dva mandata direktorima javnih preduzeća, ukoliko je to moguće. Ovo ukoliko je to moguće, naravno, ima mogućnost da se taj direktor prijavi na javni konkurs, mora se ispu...a, a, a niko drugi se ne prijavi, tada se mora ispoštovati zakon. Ali evo ovo Gradsko vijeće da na taj način da pohvalu ovim novim direktorima, koji su došli, koji su unijeli, unijeli energije, unijeli želje, unijeli volje, jer bio sam ja i u obilasku ovih drugih javnih preduzeća.

Evo nisam stigao u Inkubator Lipnicu. To ću otići, otići maksuz kod nove direktorice i ovi ljudi gdje sam bio rade zaista dobar posao, ali ovo preduzeće sam u prvom mom javljanju morao posebno iskatnuti. Hvala ljepo.

NATAŠA PERIĆ

Hvala Omere. Sljedeći za riječ se javio Senad Mehmedinović. Izvolite. Ispred zajedničkog kluba. Nije. Kao vijećnik. Pardon.

SENAD MEHMEDINOVIĆ

Hvala najljepša. Poštovana predsjedavajuća, zamjenice predsjedavajuće, kolege vijećnici, prisutni, sve vas srdačno pozdravljam. Pa ja prije svega moram da pohvalim izlaganja vijećnika za ovako lijepa literarna izvještavanja o preduzećima i stekao sam nekako dojam da imaju neke konekcije kao da dolazi od istih političkih subjekata. Al zaista ima se šta pozitivno reći o ova četiri preduzeća. Sama činjenica da imamo materijal ovdje ispred sebe preduzeća koja su pozitivno poslovala govori sve o radu istih i to je naravno za svaku pohvalu.

Ja sam od početka ovdje u Vijeću se zalagao da što veći broj javnih preduzeća aplicira na različite javne pozive i da se ne finansira samo iz budžeta Grada Tuzle, nego da se finansira takođe iz drugih izvora, da li je to sa nivoa države, federacije, kantona, različitih fondova, EU fondova, tako da mi je drago što je MEJDAN APLICIRAO NA JAVNE POZIVE i u stvari je pokazao da se mogu uzeti dodatna sredstva za poboljšanje kvalitete rada tog preduzeća.

Naravno, zadržat ću se i ja na JAVNOM KOMUNALNOM PREDUZEĆU SAOBRAĆAJ I KOMUNIKACIJE. Imam i par pitanja, ali i da pohvalim rad prije svega, evo pošto su svi hvalili rad direktora, da pohvalim i ja rad direktora, da ne idem tu u kontru, al mislim da razumije nas vijećnike iz razloga zato što je i on bio dugo godina vijećnik i zna u stvari kakav treba da bude odnos između vijećnika i direktora preduzeća. Na kraju krajeva ja smatram da vijećnici trebaju da podržavaju i pomažu u radu direktora svih preduzeća, a ne da smo mi neki ovdje koji nešto siječemo. Mi smo ti koji trebamo da im dajemo podršku i zbog toga vjerujem da direktor razumije nas vijećnike i uvijek naravno evo na sva vijećnička pitanja dobijemo odgovor.

Izuzetno mi je drago za ovaj projekat koji je bio za zastavice. To je 400 zastavica bilo na magistrali. Stvarno je lijepo bilo da se vidi. Od septembra prošle godine, ja mislim da je to odličan projekat. To je kontrola naplate parkirališta putem SMS-a i vidimo da je inkasirano od septembra mjeseca otprilike 26.000 Konvertibilnih maraka, što znači da bi prema projekcijama za sljedeću godinu po naplati moglo to da iznosi oko 100.000 Konvertibilnih maraka.

Samo možda jedan evo prijedlog vezano za ove, za parking putem SMS-a i imamo onu aplikaciju za parkiranje. Za aplikaciju kod parkiranja možda da se vidi, ja ne znam ko je to radio, to direktor vjerovatno zna. Međutim, kad želimo da se registrujemo, vjerujte mi, lozinka se treba napraviti jača nego u NATO Savezu, tamo kad se pravi neka lozinka. Zato što se traži jedno veliko slovo, jedno malo slovo, broj, specijalni karakter. Nema šta se ne traži. Dakle, sve

što postoji na tastaturi telefona mora se pritisnut da bi se napravila tamo šifra, tako da možda da se predloži da to bude nešto jednostavnije, tipa, ne znam, numerički, dal su samo slova, al evo to je neki možda praktičan prijedlog.

I takođe volio bi da mi svi direktori ovih preduzeća dostave koliko su, informaciju koliko su na nivou godine imali direktnih sporazuma sa privatnim subjektima, ako uzmemo u obzir da su direktni sporazumi na iznosu do 6.000 Konvertibilnih maraka? Hvala ljepo.

NATAŠA PERIĆ

Hvala vama. Dal se još neko javlja od vijećnika?
Vijećnik Mensur Alić. Izvolite.

MENSUR ALIĆ

Pa ja ću samo, neću, ovaj govoriti, sve je rečeno kad su u pitanju ova javna preduzeća. Bilo bi sad, ovaj, da i ja hvalim, znaju oni moje mišljenje o njima do kraja kakvo je. Ali želim samo ovo Senad što je napomenuo da samo dopunim dio njegovog izlaganja, a to je u pitanju taj odnos direktora javnih preduzeća prema gradskim vijećnicima, što je on pohvalio i što bi trebao da bude takav odnos, al takođe da dopunim da i pomoćnici (NATAŠA PERIĆ – Gradonačelnika) Gradonačelnika iz službi da imaju takođe taj odnos kako treba prema vijećnicima, jer se nekad znaju ponašati arogantno, odvratno prema vijećnicima Gradskog vijeća Tuzla. A mislim da to nije dobro. Evo toliko. Samo dopuna. Hvala lijepo.

NATAŠA PERIĆ

Dobro. Dobro. Hvala Mensure. Dal se još neko javlja od vijećnika? Prvi put?
Ako ne, onda idemo drugi put. Vijećnik Berbić. Izvolite.

OMER BERBIĆ

Hvala ljepo. Evo ja ću se sad nadovezat na onu moju prethodnu diskusiju, a i na Senadovu diskusiju donekle, s obzirom da smo otprilike na istom fonu bili. Neću više ulaziti u pojedinačne, ali hoću možda davat neke, neke vrste sugestija.

Pa, prije svega, evo, ja bi volio jedan zaključak, a vezano je upravo za fondove i za odnos prema međunarodnim donatorima. Voljeo bi da nam direktori odgovore...u stvari ne treba zaključak ovo može samo da nam direktori odgovore na pitanja, odnosno da nam daju izvještaj o apliciranju na fondovima međunarodnih donatora. To uključuje IPA fondove, uključuje fondove pojedinačnih država koje imaju i ostale, ostale fondove, dal su aplicirali u 2022. na bilo kakvu vrstu takve, takve priče, pošto vidimo recimo da se u Kantonu Sarajevo ogromne sume novca dobijaju za razne projekte od fasada do, ovaj, do sanacija postojeće saobraćajne mreže. Pa evo u tom kontekstu koji god bio odgovor, ja predlažem ovom Gradskom vijeću da idemo sa zaključkom da službe obezbijede novac za timove iz svih javnih preduzeća koji žele da učestvuju u edukacijama za pisanje projekata. Imate specijalizirane edukacije za pisanje projekata prema USAID-u, imate specijalizirane edukacije za pisanje projekata prema IPA fondovima, prema Evropskoj Uniji i ostalim donatorima. Tako da mislim da bi ovim zaključkom kapacitirali faktički menadžment preduzeća zajedno sa nekim ljudima iz finansija, računovodstva, pravnog tima i tako dalje, koji bi mogli kasnije aplicirati na ovu jednu vrstu ovakvih projekata i mislim da bi to unutar samih javnih preduzeća jako dobro došlo, pošto je svaki dinar koji dođe od međunarodnih projekata dinar koji mi ne moramo davati iz ovog javnog preduzeća.

A BIO SAM U MEJDANU. Mejdani je evo novi direktor zna našta je došao i ja mu želim puno sreće. Mejdani je u stanju u kakvom jeste. Mejdani i nije možda projektovan da ga može Grad sa gradskim budžetom održavati. To je projekat koji je koštao desetine miliona maraka i sada vi da bilo šta napravite na tom projektu, vama treba minimalno 300, 400, 500 hiljada maraka i mi to nećemo za idućih 10, 20, 30 godina moći sanirati da dovedemo u neko stanje normale. Želio bi takođe pohvaliti da se išlo prema nekim donatorima i da se napravila neka vrsta te priče.

Ali evo ja bi volio još jedan zaključak ovog Gradskog vijeća. A to je da rukovodstvo odnosno menadžment Mejdana razmotri mogućnost sa Zavodom za urbanizam, a u saradnji sa privatnim kapitalom, odnosno kroz javno privatno partnerstvo, napravi mogućnost da se uz dogradnju koja neće štetiti funkcionalnosti, namjeni i izgledu Mejdana, pokuša napraviti još jedan objekat, a gdje bi uslov Mejdana bila sanacija postojećih, postojećih krovova koji prokišnjavaju i tako dalje. Znači, Zavod za urbanizam bi arhitektonski to napravio da funkcionalno, izgledom, ili na bilo koji drugi način to ne šteti, ali ja mislim da je Mejdani onakav kakav izgleda, da ima prostora da se na njemu nadogradi još jedan funkcionalni sportski, sportsko privatni objekat, koji bi bio možda hotel za sportiste ili bi bio neka vrsta evo još poslovnih prostora. Ali isto tako da Mejdani kao svoj uslov postavi da se saniraju trenutni postojeći problemi, gorući problemi Mejdana. Ovim bi mi kroz javno privatno partnerstvo možda doveli do situacije kroz i zajedno sa Zavodom za urbanizam radi arhitektonskog izgleda, urbanističkog izgleda i tako dalje, doveli do situacije da ne moramo iz budžeta finansirati saniranje postojećih krovova i svega ovog ostalog. Ja sam imao još zaključaka. Kolege su to rekly od numerisanja stolica, pa tako dalje.

I još jedan, još jedan prijedlog zaključka i to mi je ujedno i zadnji zaključak, a on nekako spaja, spaja i SAOBRAĆAJ I KOMUNIKACIJE I LIPNICU. Ja sam prošle godine (NATAŠA PERIĆ – Samo malo ubrzajte, molim vas). Evo zadnji zaključak da kažem. Zadnji zaključak. Ja sam prošle godine imao jednu ideju da mi napravimo robnu rezervu peleta kao grad Tuzla, s obzirom da evo sufinansiramo one pumpe. I ta ideja je bila da Saobraćaj i komunikacije prošire svoju djelatnost. Da kupe pelet u proljeće kada može biti jeftiniji. Da ga skladište u Inkubatoru Lipnica i da onda na zimu kada pelet dostigne neke basoslovne svrhe, cijene, da onda ljudima koji su kupili faktički peći našim subvencijama, našom pomoći iz Grada Tuzla, te robne rezerve iskoristimo kako bi im dali pelet po povoljnijoj cijeni.

Ja bi molio zaključak da ova, menadžmenti ova dva preduzeća sjednu zajedno sa Gradskom upravom i da probaju razraditi jednu vrstu ovakve priče. To je to. Hvala ljepo.

NATAŠA PERIĆ

Hvala vama. Zaključujem raspravu vijećnika.

Pauza 10 minuta zbog zaključaka.

Onda prelazimo na glasanje i onda dajemo pauzu za...glavnu pauzu. (Pauza).

Molim vijećnike da zauzmu svoja mjesta da pristupimo glasanju da možemo napraviti pauzu pred džumu molim vas mislim. Nemoj da bude da nisam rekla. Evo ovako.

Prelazimo prvo na izjašnjavanje o Izvještajima koje smo...preduzeća koje smo danas razmatrali pod: a) Javno preduzeće Gradska veterinarska stanica d.o.o. Tuzla. Molim vijećnike da se izjasne. Glasanje je okončano.

Konstatujem da je IZVJEŠTAJ O JAVNOG PREDUZEĆA GRADSKA VETERINARSKA STANICA D.O.O. TUZLA usvojen sa,

26 glasova za, nije bilo protiv i nije bilo suzdržanih.

Sada se izjašnjavamo o Izvještaju Javnog preduzeća Sportsko-kulturno privrednog centra „Mejdan“ d.o.o. Tuzla. Molim vijećnike da se izjasne. Glasanje je okončano.

Konstatujem da je IZVJEŠTAJ O RADU JAVNOG PREDUZEĆA SPORTSKO-KULTURNO PRIVREDNI CENTAR „MEJDAN“ D.O.O. TUZLA usvojen sa,
26 glasova za, nije bilo protiv i nije bilo suzdržanih.

Sada prelazimo na Izvještaj Javnog preduzeća Tuzla-Inkubator „Lipnica” d.o.o. Tuzla. Molim vijećnike da se izjasne. Glasanje je okončano.

Konstatujem da je IZVJEŠTAJ JAVNOG PREDUZEĆA TUZLA-INKUBATOR „LIPNICA” D.O.O. TUZLA usvojen sa,
26 glasova za, nije bilo protiv i nije bilo suzdržanih.

Sada se izjašnjavamo o Izvještaju Javno komunalnog preduzeća Saobraćaj i komunikacije Tuzla. Molim vijećnike da se izjasne. Glasanje je okončano.

Konstatujem da je IZVJEŠTAJ JAVNO KOMUNALNOG PREDUZEĆA SAOBRAĆAJ I KOMUNIKACIJE TUZLA usvojen sa,
26 glasova za, nije bilo protiv i nije bilo suzdržanih.

Sada ću zamolit sekretara da pročita zaključke i predložiti ću da glasamo u paketu za zaključke.

SLADANA KRAJINA – sekretar Gradskog vijeća Tuzla

- Gradsko vijeće Tuzla traži od menadžmenta Javnog preduzeća Sportsko-kulturno privredni centar „Mejdan“ da se, prilikom zaključivanja ugovora o iznajmljivanju dvorana sa organizatorima manifestacija, utakmica i drugih događanja u Sportsko-kulturno privrednom centru „Mejdan“ Tuzla, precizno definiše maksimalan broj ulaznica koje se mogu odštampati i staviti u prodaju, imajući u vidu kapacitet dvorana i prostorne mogućnosti Centra, ukupan broj sjedišta na tribinama te adekvatnu procjenu broja posjetilaca na parteru, uzimajući pri tome u obzir sve aspekte, naročito bezbjedonosni, omogućavanje dežurnim medicinskim, vatrogasnim i drugim ekipama pristupa i djelovanja u slučaju potrebe, olakšavanje rada redarskim službama, s jedne strane, a sa druge strane time bi se napravila ugodnija atmosfera za posjetioce i gledaoce i izbjegle situacije da građani koji su blagovremeno kupili ulaznicu ostanu uskraćeni za ulazak zbog puštanja u prodaju većeg broja ulaznica nego što to kapaciteti sportske dvorane dozvoljavaju.

- Gradsko vijeće traži od svih nadležnih institucija čije je poslovanje vezano za pružanje veterinarskih usluga da poštuju pravosnažne sudske odluke.

- Gradsko vijeće Tuzla traži od menadžmenta Javnog preduzeća Sportsko-kulturno privredni centar „Mejdan“ da poduzme sve neophodne radnje i aktivnosti kako bi se u što skorijem roku izvršilo renoviranje i adaptacija kuglane.

- Gradsko vijeće Tuzla sugeriše menadžmentu Javnog preduzeća Sportsko-kulturno privredni centar „Mejdan“ da se aktivno uključi u sve vrste projekata koji su usmjereni ka poboljšanju energijske efikasnosti objekta kao i one projekte koji imaju za cilj proizvodnju električne energije iz obnovljivih izvora energije.

- Gradsko vijeće Tuzla traži od menadžmenta Javnog preduzeća Sportsko-kulturno privredni centar „Mejdan“ Tuzla da preduzme aktivnosti usmjerene na rješavanje pitanja problema parkinga.

- Gradsko vijeće Tuzla traži od menadžmenta Javnog preduzeća Sportsko-kulturno privredni centar „Mejdan“ da razmotri mogućnost postavljanja LED displeja ispred „Mejdana“ koji bi služio u promotivne svrhe.

- Gradsko vijeće Tuzla traži od menadžmenta RPC Tuzla-Inkubator „Lipnica” d.o.o. Tuzla da pokrene postupak zaključivanja aneksa Ugovora o zakupu sa Rudnikom i to na način da se proba ishodovati ugovor o zakupu na dugoročni period a sve sa ciljem kako bi Preduzeće dodatno poboljšalo svoje poslovanje kroz različite projekte energijske efikasnosti.

- Gradsko vijeće Tuzla traži od menadžmenta Javnog preduzeća Saobraćaj i komunikacije Tuzla da preduzme sve potrebne aktivnosti usmjerene ka rješavanju problema parkiranja, i to prvenstveno kroz izgradnju montažnih garaža, u najgušće naseljenim dijelovima Tuzle (Slatina, Stupine, Sjenjak, Brčanska Malta), kao i u centru grada te oko fakulteta Univerziteta u Tuzli.

- Gradsko vijeće Tuzla traži od menadžmenta Javnog preduzeća Saobraćaj i komunikacije Tuzla da preduzme sve potrebne aktivnosti usmjerene ka realizaciji projekta natkrivanja rijeke Jale kod zgrade Gradske uprave i na ostalim pogodnim lokacijama a sve radi rješavanja problema parking mjesta.

- Gradsko vijeće Tuzla traži od menadžmenta Javnog preduzeća Saobraćaj i komunikacije Tuzla da razmotri mogućnost postavljanja pametnih semafora ili izgradnje kružnih tokova na najfrekventnijim raskrscima u Gradu.

- Gradsko vijeće Tuzla traži od menadžmenta Javnog preduzeća Saobraćaj i komunikacije Tuzla da u narednom periodu razmotre mogućnost postavljanja punionice za punjenje električnih vozila.

- Gradsko vijeće Tuzla traži da se rebalansom Budžeta Grada Tuzle ili unutrašnjom preraspodjelom izdvoje sredstva u iznosu od 70.000,00 konvertibilnih maraka za normalno funkcionisanje RPC Tuzla-Inkubator „Lipnica” d.o.o. Tuzla kao i da se izdvoje sredstva za Javno preduzeće Sportsko-kulturno privredni centar „Mejdan“ Tuzla.

- Gradsko vijeće Tuzla traži od menadžmenta Javnog preduzeća Sportsko-kulturno privredni centar „Mejdan“ da razmotri mogućnost i prikupi informacije (cijene, predračun) da se obnove stolice kao i da se razmotri mogućnost postavljanja murala ili velikih fotografija najzaslužnijih sportista Grada Tuzle na ulazu u dvoranu i manjih fotografija u svlačionicama te da tu informaciju dostave Gradskom vijeću Tuzla kako bi se razmotrila mogućnost finansiranja odnosno mogućnost apliciranja na projekte.

- Gradsko vijeće Tuzla sugeriše da se ispred Sportskog centra „Mejdan“ postave tri jarbola koja će biti osvijetljena, sa zastavom Bosne i Hercegovine, zastavom Grada Tuzle i zastavom sa grbom „Mejdana“.

- Gradsko vijeće Tuzla sugeriše menadžmentima javnih preduzeća i javnih ustanova čiji je osnivač ili suosnivač Grad Tuzla da pokrenu facebook stranicu i da na dnevnom nivou vrše nadogradnju tih stranica, kako bi građani imali uvid u sve aktivnosti ovih preduzeća i ustanova.

- Gradsko vijeće Tuzla traži od menadžmenta Javnog preduzeća Sportsko-kulturno privredni centar „Mejdan“ da dosljedno već sada počne sprovoditi Zakon o kontroli i ograničenoj upotrebi duhana, duhanskih i ostalih proizvoda za pušenje.

- Gradsko vijeće Tuzla predlaže menadžmentu Javnog preduzeća Saobraćaj i komunikacije Tuzla da se, umjesto gumenih usporivača brzine, na svim neophodnim mjestima postavljaju uzvišeni pješački prelazi, koji su se pokazali izuzetno efikasnim i trajnijim rješenjem.

- Gradsko vijeće Tuzla sugeriše ograničenje mandata direktorima javnih preduzeća na dva mandata.

- Gradsko vijeće Tuzla sugeriše da resorne službe obezbjede novac za timove iz svih javnih preduzeća čiji je osnivač ili suosnivač Grad Tuzla, koji žele da učestvuju u edukacijama za pisanje projekata.

- Gradsko vijeće Tuzla sugeriše menadžmentu Javnog preduzeća Sportsko-kulturno privredni centar „Mejdan“ Tuzla da, u saradnji sa resornim gradskim službama i Upravnom

organizacijom Zavod za urbanizam, razmotri mogućnost, kroz javno-privatno partnerstvo ili drugi vid saradnje, nadogradnje "Mejdana", koja neće štetiti namjeni i izgledu "Mejdana" a gdje bi uslov partnerstva odnosno saradnje bila sanacija krova, adaptacija ili nešto drugo što menadžment odluči.

- Gradsko vijeće Tuzla sugeriše menadžmentu Javno preduzeće Saobraćaj i komunikacije" Tuzla i RPC Tuzla-Inkubator „Lipnica” d.o.o. Tuzla da, u saradnji sa resornim službama, razmotre mogućnost pravljenja robne rezerve peleta koji bi se nabavljao početkom godine po jeftinijoj cijeni a krajem godine prodavao ispod tržišne cijene građanima grada Tuzle koji se griju na peći na pelet.

NATAŠA PERIĆ

U redu. Predlažem da glasamo u paketu, pa evo molim vijećnike da se izjasne o pročitanim zaključcima. Glasanje je okončano.

Konstatujem da su pročitani zaključci usvojeni sa,
25 glasova za, nije bilo protiv i nije bilo suzdržanih i dajem pauzu od 30 minuta.
(Pauza).

ĆERIM RASTODER - zamjenik predsjedavajućeg Gradskog vijeća Tuzla, - samostalni vijećnik

Molim vijećnike da se priključe. Jel možemo sad? (NATAŠA PERIĆ – Može.) Dobro.

Nastavljamo dalje sa radom.

Tačka sedam:

RAZMATRANJE I USVAJANJE IZVJEŠTAJA O RADU JAVNIH USTANOVA ČIJI JE OSNIVAČ ILI ČIJI JE OSNIVAČ GRAD TUZLA ZA 2022.GODINU POD:

- a) Javna ustanova Gradski stadion „Tušanj“, pod**
- b) Javna ustanova Centar za socijalni rad Tuzla i pod**
- c) Javna ustanova „Dom penzionera“ Tuzla**

Predlagač: Upravni odbor ustanove.

Obrađivač: Direktori ustanova.

Materijal su razmatrali: Komisija za ekonomske odnose, Komisija za poduzetništvo i klubovi vijećnika.

Da li ima potrebe za uvodno izlaganje? (Nema.) Dobro.

Ima li potrebe da se čitaju izvještaji komisija? (Nema.) Dobro. Hvala.

Otvaram raspravu klubova vijećnika. Hvala.

Zatvaram raspravu klubova vijećnika. (SLAĐANA KRAJINA – Evo javlja se...)

Otvaram raspravu vijećnika. Mirel Mišković. Izvolite.

MIREL MIŠKOVIĆ

ŠTO SE TIČE OVIH JAVNIH USTANOVA EVO JA BIH PAR RIJEČI O JAVNOJ USTANOVI GRADSKI STADION Imao bih odmah na početku jedno pitanje. Šta je sa...glasi: Šta je sa balonom na pomoćnom stadionu volio bih da dobijem tu informaciju? Dobro znam, mi koji smo malo duže u Gradskom vijeću da smo dodijelili sredstva za nabavku balona, da je

donosi dobar prihod u zimskom periodu. Zadnjih godina ne vidim da se postavlja, pa bi molio da mi direktor kao dugogodišnji uposlenik ove Ustanove da informaciju šta se dešava sa balonom? Pored toga imao bih i nekoliko prijedloga za Javnu ustanovu Gradski stadion, a to je: Prijedlog za formiranje teretane u okviru Javne ustanove Gradski stadion. Mislim da jedan ovakav sadržaj nedostaje ovoj Ustanovi, a samim tim i građanima ovog grada. Zatim da se sagledaju mogućnosti zajedno sa Gradskim vijećem i Gradskom upravom otkupa restorana koji se nalazi na stadionu kako bi i taj sadržaj što prije bio dostupan. Mislim da ne izgleda lijepo da imamo u okviru Ustanove jedan objekat koji propada i ne služi svrhi. Zatim, tražim hitno završavanje i stavljanje u rad svih mokrih čvorova na sjevernoj tribini. Nije baš ni to lijepo da na tribini imamo 2000 gledalaca a da ne rade mokri čvorovi. Imam isto tako i jedan prijedlog to je postavljanje svijetlećih ili nekih drugih reklama na sva četiri reflektora kako bi se time povećao i prihod javne ustanove. Takođe imamo evo i poslednji jedan prijedlog, mada vjerujem evo dobio sam informaciju da menadžment javne ustanove radi na tome a to je: Nabavka puno većeg sema-fora. Znači, evo ja im preporučujem ako su u mogućnosti da nabave i ve-ći semafor od ovog što su planirali. On je dimenzija 8 x 4, ali evo ako može, ako imaju mogućnosti da nabave i 10 x 5 il neki veći bilo bi dobro. ETO ŠTO SE TIČE JAVNE USTANOVE STADION JA TOLIKO A MOJ KOLEGA IZ KLUBA DAMIR ĆE OVE OSTALE DVIJE USTANOVE.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik**

Zahvaljujem se kolegi Miškoviću. Znači, samo da napomenem da direktori istom metodom neće danas nikakva pi...odgovore davati (MIREL MIŠKOVIĆ – Slažem se ja s time.) već da onaj u predviđenom roku dostave (MIREL MIŠKOVIĆ – Može.) odgovore na sva pitanja proistekla sa ove diskusije. (MIREL MIŠKOVIĆ – Mo-že.) Eh Senad Mehmedinović. Znači, klubovi vijećnika nije bilo diskutantata. (MIREL MIŠKOVIĆ – Tako je.) Diskutujemo kao vijećnici. Pet minuta je diskusija. Molim vas da vodimo računa o tome. (MIREL MIŠKOVIĆ – Tako je.) Senad izvolite. Damira smo upisali. Jovanović je sljedeći. Okej.

SENAD MEHMEDINOVIĆ

Hvala najljepša. Evo ja ću se isto fokusirati na Centar za socijalni rad i Dom penzionera pošto pretpostavljam da će kolege preko puta mene malo više da govore o Tušnju. Dakle, pričati o Centru za socijalni rad i Domu penzionera institucije koje rade sa osjetljivim kategorijama. ŠTO SE TIČE CENTRA ZA SOCIJALNI RAD dakle, definitivno opis posla je veliki. Na-dležnosti Centra za socijalni rad su takođe velike i nadležnost proizilazi iz odredbi pet zakona, a između ostalog nadležni su: Za rad sa odgojno zanemarenom, zapuštenom i delikventnom djecom i omladinom, prevencijom nasilja u porodici, obradom maloljetnih počinitelaca krivičnih djela sa prijedlogom odgojnih mjera i rad sa osuđenim licima i njihovim porodicama. I sad kada se ovo čita dakle, koje su nadležnosti možemo da vidimo da npr. Službu socijalne zaštite prema Pravilniku o radu sa, sa sistematizacijom radnih mjesta između ostalog čini defektolog. Ovdje ne vidim koji je defektolog usmjerenja pa bih volio evo da dobijem informaciju. Defektolog kojeg usmjerenja? I obzirom da na-dležnosti kojima je definisan rad Centra u smislu rad sa odgojno zanemarenom i zapuštenom delikventnom djecom ovdje ne vidim...I mislim da bi bilo dobro da u Službi socijalne zaštite imamo zaposlenog socijalnog pedagoga, a socijalni pedagog je u stvari stručnjak koji radi sa osobama koji imaju određene probleme u ponašanju. Samo momenat. Kada je riječ o radu stručnih timova Centra. Stručni tim za zaštitu djece. Dakle, prema izvještaju ovdje koji je naveden ometene u psihičkom i fizičkom razvoju delikventne djece sačinjavaju: Pravnika, psihologa, pedagoga, odnosno psihologa

ili pedagog, sociolog i socijalni radnik. Znači, mi smo vidjeli da vamo u Službi za socijalnu zaštitu postoji zaposlen jedan defektolog međutim, u ovom stručnom timu za zaštitu djece. Ja ne znam jel to sad tehnička greška ili defektolog odgovarajućeg usmjerenja nije uključen u stručni tim, pa bih volio da dobijem tu informaciju? Kada je riječ o broju zaposlenih to je ono što možda bi mi trebali isto da povedemo računa kao Vijeće u smislu da damo podršku rada Centra za socijalni rad. Pazite od sistematizovanih 83 popunjena su samo, popunjeno je samo 39 radnih mjesta, a Centar radi na osnovu pet zakona. Ne-ću da navodim aktuelna dešavanja u smislu nepoželjnih oblika ponašanja u školama i naravno da je uloga Centra za socijalni rad može tu da bude velika u smislu određenih edukacija, preventivnih programa djelovanja itd. itd. Zato u smislu zaštite i djece i preventivnog djelovanja ja bih zamolio ovo Gradsko vijeće da podrži ova dva zaključka koja ću predložiti, a vezano je za Centar za socijalni rad. Prvi zaključak je da: Centar za socijalni rad u Pravilniku o unutrašnjoj organizaciji radnih mjesta planira ili ubaci socijalne pedagoge i edukatore i rehabilitatore ukoliko to ni-je već predviđeno Pravilnikom o unutrašnjoj sistematizaciji radnih mjesta. Podvlačim. Socijalni pedagozi su stručnjaci koji rade sa djecom koji imaju problema u ponašanju, a određene nadležnosti kooje su proizašle iz određenih zakona su nadležnosti Centra za socijalni rad, a misli se tamo na delikventno ponašanje i samim time bi mi trebali da imamo zaposlene stručnjake koji se bave tom problematikom. I drugi zaključak je: Da se Budžetom za 2024. godinu povećaju sredstva Centru za socijalni rad na ime zapošljavanja određenog broja stručnih saradnika. Pod ovim mislim socijalne pedagoge i edukatore rehabilitatore. **KADA JE RIJEČ O DOMU PENZIONERA** ja smatram da je ovo jedna od izuzetno korisnih institucija koja ima plemenitu misiju, a to je u stvari briga o osobama treće životne dobi. Jesam ja? Jel isteklo vrijeme? Ako je isteklo vrijeme ja ću se javit...(ĆERIM RASTODER – Nastavite vi ako imate još minutu?) Javit ću se ja opet sljedeći put bolje je. (ĆERIM RASTODER – Dobro. Hvala.) Hvala.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik**

Hvala vijećniku Mehmedinoviću. Vijećnik Tanasilović. Neka se pripremi vijećnik Ovčina.

MIODRAG TANASILOVIĆ – vijećnik Socijaldemokratske partije

Zahvaljujem dopredsjedavajući. Evo srdačan pozdrav za sve kolegice i kolege. **RAZMATRAJUĆI DETALJNO IZVJEŠTAJ O RADU I POSLOVANJU JAVNE USTANOVE GRADSKI „STADION TUŠANJ“ TUZLA ZA 2022. GODINU** i poređenju dakle, sa prethodne dvije godine može se zaključiti da ova Ustanova posluje stabilno, da racionalno i u skladu sa tekućim rashodima troši novčana sredstva kako od Grada Tuzle, te da uz ova sredstva dakle, ostvaruje vlastite prihode od iznajmljivanja nogometnih terena, poslovnih prostorija i prostora za reklame. Potrebno je napomenuti da se, da je prošle godine izvršena rekonstrukcija kao što je navedeno u izvještaju, glavnog nogometnog terena, tj. zamjena trave koja sada zadovoljava sve uslove i standarde Uefe. Sredstva su obezbjeđena dakle, za ovu sanaciju i rekonstrukciju od Nogometnog saveza Bosne i Hercegovine i iz sredstava Grada Tuzle. Pored ove rekonstrukcije izvršena je i zamjena umjetne trave na malom nogometnom terenu. Sredstva za ovu rekonstrukciju su obezbjeđena dakle, od Ministarstva za kulturu, sport i mlade Tuzlanskog kantona. Pored ovih aktivnosti u izvještaju je detaljno opisano i navedeno koliko korisnika, tj. sportskih klubova osnovnih i srednjih škola i rekreativaca koristi usluge ove javne ustanove. I u tabeli tri jasno se dakle, vidi da su ove cifre zaista impresivne. Što se tiče finansijskog poslovanja u tabeli četiri su detaljno predstavljani

prihodi i rashodi i oni su u skladu sa računovodstvenom politikom javnih ustanova u ravnoteži. Potrebno je dakle, napomenuti da će u narednom periodu na „Stadionu Tušanj“ također biti dodatnih radova. Već se dakle, radi na izradi projektne dokumentacije za nadkrivanje zapadne tribine. U procesu je dakle, evo košto je kolega Mišković ovaj spomenuo u procesu je nabavka LED semafora površine znači, 32 kvadrata (8 x 4). To će zaista biti impresivno. Takođe narednih evo dana će biti ovaj zamjenjena ograda između dva nogometna terena sa umjetnom travom, što će dakle, obezbjediti još bolje uslove za naše korisnike. SADA ĆU SE MALO OSVRNUTI I NA IZVJEŠTAJE O RADU I POSLOVANJU OSTALE DVIJE USTANOVE KOJE IMAMO DANAS NA, NA DNEVNOM REDU i zaista sve riječi hvale ovaj da ne dužim. Sve riječi hvale upućujem i Javnoj ustanovi Centar za socijalni rad i Javnoj ustanovi Dom penzionera dakle, na čelu sa njihovim direktorima kako menadžmentu tako i ostalim radnicima.

Takođe evo iskoristit ću ovu priliku da pozovem sve kolegice i kolege iz Vijeća da dođete na „Stadion Tušanj“ da uz opušteno dakle, atmosferu i razgovor uz kafu, što se ono kaže sa direktorom evo novim izabranim Bakirom Buljugijom da porazgovaramo, da vas upoznamo sa svim sferama poslovanja i svime onim dakle, što će se raditi u narednom periodu. Evo da ne dužim više znači, kao vijećnik ispred SDP-a podržat ću ova tri Izvještaja o radu i poslovanju za 2022. godinu. Hvala.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik**

Dobro. Zahvaljujem se kolega Tanasiloviću. Znači, kolega Ovčina. Neka se pripremi vijećnica Osmančević.

ALEN OVČINA – vijećnik Socijaldemokratske partije

Hvala dopredsjedavajući. Pozdravio bih sve kolegice i kolege vijećnike i prisutne goste danas. Također bi pozdravio sva tri Izvještaja i tim ljudi koji su radili na istim i takođe bi iskoristio priliku da čestitam i poželim sreću novom direktoru Gradskog stadiona „Tušanj“ Bakira Buljugiju. OSVRNO BIH SE NA CENTAR, NA IZVJEŠTAJ CENTRA ZA SOCIJALNI RAD i također bih pohvalio ovaj Izvještaj i sve one koji su radili na na ovome sigurno iscrpljujućem zadatku. Evidentno je da ova Ustanova radi fenomenalan, specifičan i jako zahtjevan posao svih ovih godina, pa tako i prethodne bez obzira što su imali da kažem jednu neugodnu situaciju sa uposlenicima, a to je štrajk koji se desio u oktobru mjesecu 2022. godine, ali na svu sreću požar je nekako da kažem ugašen je li i koliko toliko lokalizovan ako mogu tako reći i mizerno su korigovane plate uposlenicima. U Izvještaju možemo vidjeti sve te informacije. Ja ne bih ulazio u te neke dublje ana-lize. Ali sigurno da se treba u nekom narednom periodu iznaći dodatno rješenje kako za uposlenike ove zahtjevne i specifične nama jako potrebne Ustanove u gradu a i na kantonu, tako i za ostale javne ustanove u gradu. Raduje me informacija da je u Centru obrađeno oko 12.000 predmeta samo u pismenoj formi, dok su usmeni razgovori, izlasci na teren, telefonskih upita dva do tri puta veći. Ono što me ne raduje jeste povećan broj razvoda, posredovanje u postupcima razvoda, visokokonfliktnih razvoda i porodično pravnih odnosa i uređenja vanbračnih zajednica. Kapaciteti domova za djecu i resursi koje ovaj Centar koristi su u potpuno-sti popunjeni. Također da se na konkurs prethodnih godina prijavljivali između 50 do 70 zainteresovanih, dok unazad par godina jedva 10 prijava dođe na adresu. Ono što me još raduje jeste da je Grad Tuzla u 2022. godini izdvojio iz svog Budžeta oko milion i dvjesto hiljada za finansiranje plaća i naknada radnika i materijalnih troškova Centra. Takođe Grad Tuzla je značajno pomogao kada je u pitanju pomoć

socijalno ugroženim građanima izdvajanjem sredstava za jednokratne i interventne novčane pomoći. S tim u vezi ja bih predložio dva zaključka: Gradsko vijeće Tuzla podržava zaključke i prijedlog mijera dat u Izvještaju o radu Javne ustanove „Centar za socijalni rad“ Tuzla za 2022. godinu. Drugi je: Imajući u vidu da je propisanim standardima predviđeno da na četiri hiljade građana u Centru za socijalni rad bude zaposlen jedan socijalni radnik kao i veliki broj sistemetizovanih a ne popunjenih drugih radnih mjesta Gradsko vijeće Tuzla u skladu sa ranije usvojenim zaključcima smatra potrebnim što hitnije kadrovski ojačati Centar za socijalni rad Tuzla kako bi ovaj Centar mogao što kvalitetnije obavljati poslove u okviru svojih nadležnosti i ostvarivati programske zadatke i ciljeve. Takođe ja kao vijećnik sigurno je li i Klub SDP-a podržavam ovaj Izvještaj i želim vam mnogo sreće u radu.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik**

Zahvaljujem se vijećniku Ovčini. Znači, vijećnica Osmančević. Neka se pripremi vijećnik Damir Muratović.

LEJLA OSMANČEVIĆ – samostalni vijećnik

Zahvaljujem dopredsjedavajući. Pozdravlja sve prisutne. Mi ćemo kao Klub samostalnih vijećnika podržati sva tri Izvještaja, s tim da ću ja diskutovati o Javnoj ustanovi Dom penzionera. S tim da moram naglasiti da mi kao vijećnici, s obzirom na nemile događaje koji su bili početkom sedmice, a vezane su za ono što se dešavalo u Lukavcu i maloljetničku delikvenciju, moramo kroz jedan zaključak naglasiti, da shodno toj situaciji i želimo podržati rad naše Javne ustanove Centar za socijalni rad i u svakom smislu im pomoći. Prije svega apsolutno se slažem sa zaključcima koje je vijećnik Mehmedinović predložio. Ali evo čisto da naglasimo shodno ovoj situaciji da smo se i mi na neki način odredili. ŠTO SE TIČE JAVNE USTANOVE DOM PENZIONERA po definiciji Ustanova socijalne zaštite a koja se bavi brigom i smještajem, ishranom, socijalnom njegom, zdravstvenom njegom ali i društvenim aktivnostima osoba treće životne dobi. Koliki je značaj ove vrste djelatnosti govori u prilog činjenica da se otvara veliki broj privatnih ustanova ovog tipa što i jeste potreba ovog društva. Vidimo tendencu odlaska radno-sposobnog stanovništva u inostranstvo i neko se definitivno o tim ljudima mora brinuti. Meni kao zdravstvenom radniku je jako bitno kakav je kvalitet tih usluga. Da on bude zadovoljen po svim kriterijima, ali i da na neki način to bude kontrolisano kontinuirano. Dokaz za to da ova Ustanova je-ste kontinuirano, pa i kroz ove Izvještaje koje jednom godišnje...Kojima izvještava nas vijećnike i bukvalno prolazi kompletan Izvještaj kroz sito ovaj vidimo da, da je to definitivno javna ustanova koja, koja je vrijedna svake pohvale s obzirom da se bavi vrlo, vrlo osjetljivom, skupa sa djecom, onom najosjetljivijom kategorijom, kategorijom stanovništva. Da je direktor otvoren za saradnju i da poštuje naše diskusije i zaključke i da se to pomno godina prati dokaz je i da je ispoštovao zaključke Gradskog vijeća iz 2022. godine. Većina nas koji smo diskutovali imali smo prijedlog zaključka a to je: Da se...I to se tiče zapošljavanja pripravnika i nezaposlenih i to preko Projekta Federalnog zavoda za zapošljavanje i Službe za zapošljavanje TK. U Izvještaju se vidi da je u dvijehiljadedvadesetog, dvadesetdrugoj godini ukupno preko ovih projekata zaposleno petoro. Tu su dva medicinara tehničara, njegovatelji, servirke i sve ono što je prijeko, prijeko potrebno. I na kraju da ne dužim jedan od zaključaka bi bio, a to i jes-te i bio prijedlog u sklopu Izvještaja o radu i finansiranju Javne ustanove Dom penzionara, vezano je za ove zdravstvene usluge koje imaju a to je: Da se ambulanta porodične medicine koja ordinira u sklopu Ustanove. To je jako važno za njih, umjesto sa tri proširi na pet dana. Način na koji će se organizovati Dom zdravlja i porodična

medicina je sad stvar njihovog dogovora, ali definitivno je njima to prijeko, prijeko potrebno. Zahvaljujem.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik**

Zahvaljujem se vijećnici Osmančević na konstruktivnoj diskusiji. Sljedeći je vijećnik Damir Muratović. Neka se pripremi vijećnik Jovanović.

DAMIR MURATOVIĆ

Hvala predsjedavajući. JA ĆU SE DOTAKNUTI ZNAČI, IZVJEŠTAJ O RADU I POSLOVANJU CENTRA ZA SOCIJALNI RAD TUZLA ZA 2022. GODINU iz razloga što je ova javna ustanova stvarno za razliku od ostalih ustanova pravi rudnik. To kažem zbog svih specifičnosti i obima poslova koje Centar za socijalni rad Tuzla radi. Prema propisanim standardima u Izvještaju je tačno taksativno, statistički sve navedeno. Znači, grad Tuzla bi na oko 120 hiljada stanovnika trebao da ima zaposlenih 30 socijalnih radnika. Trenutno ih ima samo 14. Umjesto osam psihologa, osam pedagoga, grad Tuzla ima dva psihologa i dva pedagoga psihologa. Umjesto šest pravnika radi samo četiri pravnika uz sve ove nedostajuće stručne kadrove. Ovo što je kolega Senad spomenuo što bi trebalo promijeniti u Pravilniku o sistematizaciji i organizaciji ra...Unutrašnjoj organizaciji. Znači, u skladu sa navedenim predložit ću zaključak na kraju diskusije. Što se tiče svih oblika socijalne zaštite centar obuhvata, u skladu sa svojim raspoloživim kapacitetama, kapacitetima, i rezultati su odlični uzimajući u obzir sve otežavajuće okolnosti, od one motivirajuće, finansijske na zaposlenike do svih ostalih okolnosti, s obzirom da znamo o kojim, o kojoj populaciji se radi i sa kojim populacijama sve, svih oblastima Centar za socijalni rad radi. Obuhvaćeni su građani svih mjesnih zajednica i to je, to je jako, jako bitna informacija. Posebno pohvaljujem organizaciju rada koja je iako kompleksna, direktorica Lejla to stvarno odlično radi i urađena je zaista dobro. Iz godine u godinu sve je bolje s obzirom na raspoložive kapacitete. Takođe direktorica se posebno trudi i za poboljšanje svih usluga centra, te smatram da treba dobiti puno veću podršku od ove koju trenutno dobija. Posebno pohvaljujem aktivnosti centra na smještaju djece i mladih u Ustanove socijalne zaštite i stavljanje pod starateljstvo. Za 90 djece je pružena pomoć prilikom smještaja u različite ustanove. Da ne nabrajam, tačno se vidi u Izvještaju. Takođe značajan rad Centra za socijalni rad i stručnjaka centra na prevenciji suzbijanja nasilja u porodici i zaštiti žrtava nakon nasilja. To je jako važna uloga centra. Oni to ne rade improvizovano, ne rade kampanjski znači, rade kontinuirano u saradnji s ostalim institucijama i ono što je bitno go-dinama permanentno provode obuku zaposlenika centra za rad sa žrtvama nasilja i to je jako pohvalno. Prepoznat je takođe i rad centra i preventivni rad u borbi protiv prosjačenja i trgovini ljudima koja je na žalost još uvijek jako prisutna i ti podaci su takođe u Izvještaju egzaktni i vidljivi. Ono što posebno ističem je realizacija velikog broja projekata. Ne znam da li je ko spomenuo u ovim raspravama? Nisam čuo. Znači, bez obzira na ono redovno finansiranje centar se bori znači, osim stručnog usavršavanja svojih zaposlenika, centar kontinuirano radi samostalno na jačanju svih kapaciteta i svih resursa koje ima. I vidim ovdje, s obzirom na institucije sve ove relevantne koje su navedene, zaista respektabilan broj, tako da ovaj Izvještaj zaista zaslužuje i najbolju ocjenu i naš Klub će ga definitivno podržati. Ono što želim zaključak, pa možemo ga definisati-redefinisati zato što je sličan Senadovom i Alenovom. Ali svejedno. Ja bi ga stavio i predložio Gradskom vijeću: Znači, Centru za socijalni rad Tuzla nadležna Služba urgentno treba dati podršku u kadrovskom jačanju Ustanove sa ciljem povećanja kapaciteta Ustanova i još boljoj stručnoj podršci svim korisnicima usluga.

Neophodno je povećati broj stručnjaka, prije svega socijalnih radnika, psihologa, pedagoga-psihologa, pravnika i eventualno izmijeniti Pravilnik o sistematizaciji i organizaciji, unutrašnjoj organizaciji sa ciljem povećanja još dodatnih stručnjaka. Naravno sve u skladu sa propisanim standardima i normama. Ovo ističem posebno zato što, ukoliko dođe do neželjenih situacija, incidenata. Imali smo ih prilikom prošlogodišnjih i prije usvaja izvještaja, da smo davali zaključke i prijedloge nadležnoj Službi, ali da oni nisu realizovani. Tako da želim ovdje istaći da ukoliko dođe do neželjenih situacija, incidenata, bilo čega uzrokovane nedostatkom stručnog kadra ovdje neće biti odgovornost na centru nego na nadležnoj Službi i zato u zaključku sam stavio isključivo da to bude urgentno. Znači, da se i mi kao Gradsko, da mi kao Gradsko vijeće ne budemo gluhi i nijemi na ovo što Centar za socijalni rad godinama navodi u svojim mjerama i preporukama za poboljšanje rada, nego da se konačno nešto uradi, s obzirom da znamo na koji se način zapošljava otvoreno govorim i ostale ustanove i preduzeća i koji, kojim tempom to ide, tako da ne vidim organizaciju da li neko nema potrebe pod navodnicima da se sveti radnicima zbog one pobune kad su tražili da imaju ista prava kao i svi zaposlenici u gradu. Tako da, s obzirom...Ponavljam da je ovo jedan rudnik što se tiče opisa poslova i stresa i svega onog što oni proživljavaju svakodnevno u svom poslu, mislim da bi mi kao Gradsko vijeće trebali podržat ove zaključke kako Alenove, Senadove, tako i ove moje malenkosti. Hvala.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik**

Zahvaljujem se kolegi Muratoviću. Riječ dajem vijećniku Jovanoviću. Neka se pripremi vijećnik Berbić.

ZORAN JOVANOVIĆ

Zahvaljujem se. Evo ovako. Svi izvještaji pod tačkom šest evo i sedam su za prolaz na ocjenu za pohvalu. Podržavam sve diskutante koji su iznjeli svoje mišljenje prije mene. A šta je izvještaj? Izvještaj je skup statističkih podataka. EVO CENTAR ZA SOCIJALNI RAD tamo imamo podatke sve ljudi napisali, a mi ne znamo kako su ti zaposlenici u Centru za socijalni rad došli do ovih statističkih podataka, kako su ih ostvarili. Ovo što Damir kaže rudarski rad, kopanje uglja, al ne samo kod njih evo i ostale firme. Da ne bi došli nekad u neku krizu i zakasnili ja predlažem zaključak. Ne želim diskutovati. Svi su rekli sve što treba. Da se obavezuje Grad Tuzla kao osnivač Javne ustanove centar za socijalni rad da u što kraćem roku izvrši proširenje kadrovske politike u Javnoj ustanovi Centar za socijalni rad i pristo-rni smještaj zaposlenika. Onaj ko je bio u centru tamo imate po dva-tri, negdje ima i po četiri zaposlenika u jednoj prostoriji. Da bi efikasno ljudi radili moraju imat uslove za rad. Znači, zaključak: Da se obaveže Grad Tuzla da u što kraćem roku radi na kadrovskoj, poboljšanju kadrovske politike i proširenje smještajnih kapaciteta Centra za socijalni rad dal na istoj lokaciji il negdje drugo. Imamo objekata. Hvala.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik**

Zahvaljujem se vijećniku Jovanoviću. Znači, sljedeći diskutuje vijećnik Berbić. Neka se pripremi vijećnik Jusić.

OMER BERBIĆ

Evo hvala ljepo. Evo nije ovdje da ima puno ljudi koji su stručniji od mene u pitanju ovog socijalnog rada itd., a ja sam ovdje iskren da budem gledao statističke podatke, a vezano da onaj događaj u Lukavcu koji je očigledno jedan događaj u širem balkanskom kontekstu i samo nastavak malo, maloljetne delikvencije u najgrubljem mogućem obliku. U obliku u kojem sada više ljudi ne znaju da li su spremni i da li smiju svoju djecu pustiti u školu s obzirom na ovo što se dešava jel mislili smo da ovo neće doći do nas. Gledali u Americi, gledali po svijetu. Očigledno je evo u međuvremenu to došlo do nas i došlo je u najgrubljem mogućem obliku i to sada postaje već jedan regionalni problem. Tako se može posmatrati. Sistemsko-regionalni problem. Ja se tu ne bi puno, puno osvrtao. Evo vidio sam u Izvještaju ovdje da imamo jak i to ozbiljan porast nasilničkog ponašanja kod djece. 2021. to je bilo dva slučaja, 2022. devet. Ali volio bih samo od, od menadžmenta da mi odgovori, uzimajući u obzir ove nove elemente koji se dešavaju da li će se na ne-ki način postaviti oštija, grublja, da kažem šira, širi kriterij i da li će se na neki način možda ovu godinu i sljedeću još više fokusirati upravo na maloljetničku delikvenciju? Da na neki način se to proba sistemski...Ne može se zaustaviti. To je sada već sigurno. Evo to sad već je jedan u ni-zu ovakvih slučajeva, ali, ali da evo mi probamo koliko je u mogućnosti Grada da preventivno reaguje. A ovo je sigurno problem koji nije, nije samo naš. Ovo je problem koji je državni, entitetski, kantonalni, regionalni pa možda čak u širini i Evropske unije. I naravno prije svega porodični problem. A tu Centar za socijani rad vjerovatno može, može dosta toga uraditi. A neću dalje o ovome diskutovati. ZA GRADSKI STADION TUŠANJ evo vidimo ima nekih pozitivnih pomaka koliko sam ja shvatio za to nadkrivanje ovaj tribine i grupa navijača je to predložila. Ja to u potpunosti podržavam, jer sam i ja često na tribinama. Trenutno ispitivanje tla. Da li možemo znati kada bi se otprilike moglo doći do realizacije jer nemojte da to ispadne kao ona istočna tribina „Stadiona Tušanj“ koja je sad krompirište a nije ovaj,, nije, nije ni t od tribine i da li se može reprojektovati ta istočna tribina? Il na neki način...Evo zaključak: Da menadžment „Stadiona Tušanj“ sa Resornom službom proba da nađe investitora za tribinu gdje bi faktički „Stadion Tušanj“, odnosno grad Tuzla dobio tribi-nu, a prostore ispo-d tribine bi dobili poduzetnici koji bi isfinansirali takvu vrstu priče. Ovo govorim iz razloga što, ako bi se reprojektovala tribina imate tri-četiri primjera u svijetu. Ja sam to guglao neki dan. Imate tri-četiri primjera u svijetu gdje su ljudi završili tribine čak na, na vr-hu svojih šoping centara, ali isto tako imate i primjera gdje su ljudi uzimali prostore ispod tribina a onaj kosi dio im faktički bude kao zid, izgube malo prostora, ali uzimajući u obzir da dobiju besplatno zemljište to se poravna, a ona lokacija je jako, jako interesantna i da vidimo da li možemo dobiti jednu vrstu evropskog stadiona gdje možemo dobiti i da igra reprezentacija. Još dvije stvari me tu interesuju, a šta je sa igrališta „Proleter“ u Slavinovićima? Jako bitna stvar koju smo gurnuli pod tepih. U jednom trenutku je FK „Sloboda“ htjela tamo da pređe da treniraju. Roditelji su se pobunili i rekli da „Stadion Tušanj“ faktički želi da uđe u „Stadion Proletera“ gdje su oni uložili svoj novac, gdje igraju sad, već isto-rijski su tu, tradicionalno su tu. Šta se tu dešava, zbog čega ni-ko od tih ljudi dole na „Proleteru“ nije dobio odgovor, nije dobio finalno rješenje prema kojim ljudi mogu tamo ostati? A to je ja mislim širi interes društvene zajednice da u jednoj od najvećih mjesnih zajednica imamo takvu vrstu priče gdje djeca treniraju, gdje se sklanjaju s ulice itd. i gdje je to zaista jedna pozitivna priča. Insistiram da ljudi dobiju odgovor. I još zadnje pitanje i tu bi završio svoju diskusiju. Neću se javljati za drugi krug. Šta se dešava sa balonom na „Stadionu Tušanj“? Došao je novi menadžment. Nadam se da ćemo imati isti efekat kao u svim firmama gdje smo promijenili direktore jer dosadašnji direktor to dosta sporo radio onako moram da kažem to je sve bilo tromo. Čuo sam sve najbolje o novom direktoru. Nadam se da će pokrenuti ove procese. Šta se dešava s balona? Trenutno imamo jedan od većih problema. To ljudi koji se ne bave, ne igraju rekreaciju ne mogu ni vidjeti, ali u gradu Tuzla postoji samo jedan balon

za igranje fudbalskih, odnosno rekreativnih utakmica koji sada radi manjka konkurencije košta 70-80 maraka, 90 čak zimi. „Stadion Tušanj“ je tu javna ustanova i na neki način bi trebali balansirati tu vrstu, tu vrstu priče. Ja mislim da je tamo bio nekada balon, šta se dešava s balona i koliko novca treba da bi se taj balon ili obnovio ili da bi se no-vi balon kupio na „Stadion Tušanj“ koji će opet imati i taku vrstu usluge tokom zime? Toliko od mene. Hvala ljepo.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik**

Zahvaljujem se kolegi Berbiću. Znači, sljedeći diskutant je kolega Jusić. Neka se pripremi vijećnik Delalić.

**NEDŽAD JUSIĆ – nezavisni vijećnik iz reda
nacionalnih manjina**

Hvala. Poštovani dopredsjedavajući, sekretaru, kolege, kolegice vijećnici i vijećnice, predstavnici javnih ustanova, Gradskih službi želim da vas pozdravim pošto se prvi put javljam i evo dosta su toga rekli kolege i kolegice vezano za pomenute javne ustanove čiji raspravljamo i govorimo o njihovim izvještajima. Ali ja imam potrebu na kraj krajeva da kažem (ĆERIM RASTODER – Molim vas malo pažnje.) s obzirom...s obzirom da se nisam javio na prošloj tački dnevnog reda i tačno smo nahvalili određene direktore i ja sad imam potrebu i da kažem, da pohvalim na kraj krajeva takođe direktora Doma penzionera kao i direktoricu Centra za socijalni rad Tuzla sa kojima izuzetno do-bru saradnju imam vezano za određene aktivnosti za pomoć građanima grada Tuzle pogotovo sa Centrom za socijalni rad gdje hajde mogu slobodno reći da ne prođe možda 7 do 10 dana da neke stvari ne intervenišem, odnosno ne komuniciram sa osobljem, odnosno radnicima ili sa menadžmen-tom Centra za socijalni rad. Iz mog rada, direktne komunikacije na kraj krajeva i sa centrom za socijalni rad i sa korisnicima između ostalog dobro je što imamo Zakon o socijalnoj zaštiti, zaštiti civilnih žrtava rata i zaštiti porodice sa djecom. To je dobro. Između ostalog na osnovu tog zakona imaju određene kategorije, ostvaruju određena prava između ostalog i pravo na dječiji dohodak. Ali, da bi jedna porodica ostvarila određena prava, odnosno dječiji doplatak za troje djece ukoliko ima da ostvari pomenuto pravo, u skladu sa kriterijima i procedurama je se nametnu-lo da ta porodica jedne te iste dokumente mora dostavljati za svo troje djece, što znači (ĆERIM RASTODER – Molim vas kolegice i kolege zbog kvoruma...Samo da provjerim. Stručna služba da provjeri. Možemo? Nastavit ćemo. Na ivici smo kvoruma 17 ih je, bilo je 15 evo dok nije predsjedavajuća došla...Nastavite kolega Jusiću.) Okej. Hvala. Što znači da porodice su opterećene sa dostavom, po mom mišljenju dokumentacije koje nisu potrebne jer za jedno te isto...A ukoliko porodica ima troje djece između ostalog mora jednu te istu kućnu listu tri puta da ovjeri i da napravi da bi moglo dijete da ostvari pravo na dječiji doplatok kao i mnoge druge dokumente koji su stvarno neophodne duplo se vadi za svako dijete i između ostalog tu su upoznati i socijalni radnici kojima je otežan na kraj krajeva rad zbog te ogromne dokumentacije koju se traži. I moj bi prijedlog bio zaključka jednog: Da Gradsko vijeće traži od nadlež-nih da se pojednostave procedure za ostvarivanje prava na dječiji dohodak. Jel jednostavno ukoliko porodica aplicira, odnosno preda zahtjev za troje djece da su dovoljne jedan dokument govori da sve su to troje djece od te porodice, nego traže dokumente za svako dijete posebno, a isti dokument. Znači, tri fajla se prave za svako dijete sa istim dokumentima što je malo mislim apsurdno. I drugi način. Takođe želim napomenuti i da pohvalim osoblje Centra za socijalni rad a na osnovu ove diskusije malo prije doktorica što je govorila vezano za ovaj slučaj u Lukavcu što je bio. Centar za socijalni rad je u prošloj godini ostvario saradnju sa školama i

nastavnim osobljem na sprečavanju, odnosno zajedničkom radu na sprečavanju nasilja među djecom. I to je dobro i evo jedna preporuka. Da se ove aktivnosti nastave i u narednom periodu kako bi ovaj spriječili ukoliko budemo mogli na kraj krajeva da nam se ne dese slučajno neke stvari kao što su se desile u okruženju. Hvala.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik**

Hvala kolega Jusiću. Sljedeći diskutant je vijećnik Delalić. Nek se pripremi vijećnik Ibeljić.

OMER DELALIĆ

Hvala. Kolega Tanasilović maloprije nam je prezentovao dosta korisnih informacija o aktivnostima koje se provode za poboljšanje usluga koje pruža Javna ustanova „Stadion Tušanj“. Malo prije smo u toku diskusije o radu javnih preduzeća nahvalili direktore. Evo sad je i kolega Jusić pohvalio dva direktora, a ja moram da iskoristim svoje pravo na diskusiju da poželim sreću u budućem radu novom direktoru „Stadiona Tušanj“. Imao sam sreću da jedan dio svog radnog vijeka provedem u bliskoj saradnji sa profesorom Bakirom Buljugijom i kroz zajednički rad sam vidio da se radi o izuzetno sposobnoj i organizovanoj osobi, čovjeku za kojega slobodno mogu da kažem da živi sport. Siguran sam da će u budućem radu poboljšati rad ove ustanove i još jednom njemu i njegovim zaposlenicima želim puno uspjeha. Hvala.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik**

Zahvaljujem se kolega Delaliću. Znači, vijećnik Ibeljić onda ću i ja nešto reći i s time bi mi okončali prvi krug diskusije.

ANEL IBELJIĆ

Hvala puno. Evo dosta su tu kolege prethodne ovaj rekle, mislim nema se tu šta apuno dodati i svakako da podržavam sve ove ranije diskusije ispred Kluba SDP-a. Želim da čestitam i zahvalim direktorima preduzeća, odnosno Ustanova koje su prepremile Izvještaje za 2022. godinu. Stvarno su detaljni izvještaji, iscrpni su i sve informacije koje su nam potrebne imamo u ovim izvještajima. KAD JE RIJEČ O GRADSKOM STADIONU TUŠANJ ovaj evo koristim ovu priliku da čestitam i direktoru Bakiru na izboru za direktora i želim mu mnogo sreće u daljem radu. Možemo vidjeti evo da se u proteklom periodu stvarno dosta toga uradilo na „Stadionu Tušanja“. Vidjeli smo ovaj kada je gradonačelnik preuzeo funkciju da je obećao da će se natkriti zapadna tribina. Prije nekoliko dana, otprilike krenuli su neki početni i pripremni radovi na, na tome k realizaciji toga, te predlažem da donesemo zaključak: Gradsko vijeće Tuzla podržava projekat nadkrivanja zapadne tribine „Stadiona Tušanj“. Iz razgovora sa direktorom došao sam do informacije da je potrebno uraditi određene rekonstrukcije pomoći, pomoćnog terena, a isto tako i izvršiti adaptaciju tribina i zaštitne ograde na pomoćnom terenu, tako da predlažem i donesemo zaključak: Da Gradsko vijeće Tuzla traži od menadžmenta Javne ustanove stadion „Tušanj“ da aplicira na sve projekte usmjerene ka renoviranju i adaptaciji pomoćnog terena, te Gradsko vijeće Tuzla traži od menadžmenta Javne ustanove stadion „Tušanj“ da preduzeme aktivnosti usmjerene ka uređivanju tribina i zaštitne ograde na

pomoćnom terenu. KADA JE RIJEČ O JAVNOJ USTANOVI CENTAR ZA SOCIJALNI RAD evo gotovo svi vijećnici su diskutovali i iznjeli su stvarno pozitivne stvari o radu direktorice ali svakako i osoblja Centra za socijalni rad. Svi smo mi svje-sni ovaj da ne-dostaje dosta, dosta kadra u ovoj ustanovi. Mislim da je 80 zaposlenika predviđeno sistematizacijom ali da je samo njih četrdesetak uposlano. Naravno u narednom periodu morat ćemo ovaj probati pronaći i rješenje kako bi zaposlili eventualno dodatne kadrove koji će svakako odgovorno obavljati svoj posao kako bi dodatno poboljšali rad ove javne ustanove. Ja ću predložiti nekoliko zaključaka: Gradsko vijeće Tuzla sugeriše Javnoj ustanovi Centar za socijalni rad Tuzla da i dalje rade aktivno na prevenciji i sprječavanju ne-gativnih društvenih pojava kao što su maloljetnička delikvencija, nasilje u porodici, prostitucija i trgovina ljudima. Gradsko vijeće Tuzla traži od nadležnih organa da se u što skorije roku stvore zakonske pretpostavke za formiranje budžetskih fondova ali i razvojnog socijalnog fonda koji bi okupljao sredstva budžeta privatnog i ne-vladinog sektora koji bi obezbjedili sigurno finansiranje i pružanje proširenih socijalnih usluga. Gradsko vijeće Tuzla traži od nadležnih organa da nastave sa pripremama i aktivnostima, odnosno iznalaženju mogućnosti za izradu socijalne karte, odnosno analize statusa građana grada Tuzla. I NA KRAJU KADA JE RIJEČ O JAVNOJ USTANOVI DOM PENZIONERA TUZLA. Evo u proteklom periodu realizovan je značaj i ogroman projekat ovaj uređenja eksterijera. Tačnije zamjenjeni su prozori, odnosno stolarija na Domu penzionera. Evo ostalo je još da se odradi ta fasada i prema nekim ovaj mojim informacijama sa tim projektom bi se moglo ići u nekom narednom periodu, te tako predlažem da kao Gradsko vijeće donesemo zaključak: Da Gradsko vijeće Tuzla traži od menadžmenta Jvane ustanove Dom penzionera Tuzla da se uključe u projekte kako bi poboljšali energijsku efikasnost ali i uređenje eksterijera objekta. I zamolit ću evo direktora pošto odgovore daje u pisanoj formi samo da u nekom narednom periodu ovaj mi da odgovor zbog čega je ovoliki disporitet u prosječnim platama po stručnim spremama za 2021. i 2022. godinu? Na strani 9 Izvještaja vidimo da su to ne znam evo za visoku stručnu spremu plata je povećana ne znam u ove, u godinu dana za 49% , a npr. za radnike KV za 13%. Eto. Hvala.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik**

Zahvaljujem se kolegi Ibeljiću. Evo i ja ću nešto, nešto reći o Izvještajima javnih ustanova. KAD JE U PITANJU GRADSKI STADION TUŠANJ pridružujem se kolegicama i kolegama znači, čestitke novom direktoru uz uvjerenje da će se stanje na Tušnju popraviti i biti kvalitetnije nego do sada što je naravno i za očekivati. U toku su ovi projekti. Neki su završeni. Neki se rade. KAD JE U PITANJU JAVNA USTANOVA CENTAR ZA SOCIJALNI RAD dešavanje u regionu naravno sa neželjenim posljedicama evo na žalost i kod nas su stavila ovu ustanovu u prvi plan i ovdje smo imali jako dobrih i kvalitetnih diskusija od ljudi koji se malo više bave tom problematikom i nadam se da ćemo mi kao Gradsko vijeće, kao Grad imati sve u vidu ovo što je iznjeto i prema ovoj Ustanovi se ophoditi malo ozbiljnije i ulaganjima i kadrovski itd. kako b-i ona ostvarilo svoje osnovnu zadaću, odnosno svoju osnovnu misiju. NEŠTO ĆU VIŠE REĆI O DOMU PENZIONERA. S obzirom da smo kroz današnje diskusije svi hvalili i direktore, evo hoću i ja malo da pohvalim ovog direktora Doma penzionera. Šalim se naravno. Ja sam bio neki dan kod njega u posjeti i znači, ono što sam ja pretpostavio, a nisam baš sve detaljno znao znači, od 2011-te je objekat koji pripada Gradu Tuzla do tada je bio pri Fe-de-ral-nom, Penzionom federalnom fondu federacije. Ono što je važno istaći nisam znao znači, ova Ustanova se finansira 100% sa svojim sredstvima. Nema onaj velike pomoći osim nešto malo, al to je sasvim nedovoljno. Da firma je u protekloj godini kao i većina, odnosno Ustanova da je pozitivno poslovala. Ono što je važ-no, evo direktor je

negdje do 2014-te on je zateko dug prema njegovom Izvještaju ja to nisam provjeravao jel mu vjerujem, bio je dug negdje oko 2 miliona, taj dug je smanjen na 400 hiljada sa tendencijom da će i tih 400 hiljada biti ovaj regulisano u narednom periodu. Evo kolega Ibeljić je nešto diskutovao oko plata. Ja baš nisam tako svatio onaj vidim da su negdje od 01. 01. dvajsdruge povećali plate svim oko 20%, isplaćeni regresu i koliko sam vidio da je odnos direktorove plate prema ovim najnižim negdje u nekim normalnim okolnostima...normalnim procentima 2,8 itd., al nebitno. Ono što je najvažnije, bez obzira na veliki broj tih privatnih domova da naš Dom penzionera je gotovo 100% popunjen. Oko 200 osoba se stalno nalazi i da je u stvari oko 90% prihoda koje ova Ustanova osigurava od korisnika dok ostalih 10% je od nekih komercijalnih usluga. Ono što meni smeta, a vjerovatno evo i svima nama jeste izgled tog objekta s vana. Taj objekat je nekad osamdesetih godina bio reprezentativni objekat u gradu Tuzli gdje se izlazilo mladi, održavale razne manifestacije. Međutim, vrijeme je učinilo svoje i mi bi trebali znači, kao Gradsko vijeće, kao Grad, javna ustanova pa možda i neke veće ustanove kantona da sve učinimo da se u što kraćem vremenskom roku uradi ta fasada i druge neke, i drugi neki infrastrukturni radovi, jer zaista ovaj taj objekat to zaslužuje. Oko 20 hiljada možda prođe ondje dnevno vozača, vozila itd. i svi kad pogledamo onaj Dom penzionera nekako zaista onaj ne odaje neko, neku lijepu sliku. Zato smatram da bi evo i možda kroz neki naš proračun za dvajstreću i na razno razne načine sagleda da se to pitanje što prije i što hitnije riješi. Ja znam onaj, onaj zbog čega si reko da ću pohvalit ovog kolegu. Ja sam imo jednog prijatelja koji je Slovenac, koji je zadnjih 5-6 godina živio i radio. Sam je bio u tom Domu penzionera. Na žalost prije par mjeseci je preminuo i često sam ga obilazio i zaista sam vidio da personal. Ljudi koji tamo rade, sve službe da zaista su odgovorne, da rade. Ustanove nisu najbolje ali evo radi se na njihovom popravljaju i mislim da, da, da zaslužuje Dom penzionera da ovo...Da promjenimo fasadu i da on izgleda kao neki reprezentativni objekat što on zaista i jeste.

S ovim završavamo prvi krug. Osto nam je još samo Senad u drugom krugu Mehmedinović. Izvolite Senade.

SENAD MEHMEDINOVIĆ

Eh hvala najljepša. DAKLE, POČEO SAM PRIČATI O JAVNOJ USTANOVI DOM PENZIONERA TUZLA. Ustanova koja ima plemenitu misiju, a plemenita misija je ta da pružaju podršku osobama treće životne dobi. Dakle, to su osobe gdje su možda naše majke, očevi, djedovi, nene. Broj korisnika je stotinu osamdeset jedan. Veoma osjetljiva populacija. Zbog čega govorim osjetljiva? Govorim zbog toga što od ovih stotinu osamdeset i jedan vjerovatno svi imaju hronična oboljenja i kod svih su većinom funkcionalne sposobnosti smanjene. Naravno da se treba pohvaliti iz ovog Izvještaja i to je jedan kapitalni projekat koji je urađen, a to je zamjena stolarije koja je u sklopu projekta termoenergetske efikasnosti a to je sve u skladu sa strategijom razvoja osoba treće životne dobi na nivou grada Tuzle i drago mi je dakle, iz ovoga da se vidi da strategija nije svrha sama sebi nego da postoje javne ustanove, između ostalog Dom penzionera koji radi prema ovo strategiji za osobe treće životne dobi. Sve je veći udio starih lica, osoba treće životne dobi u opštoj populaciji i tako je to slučaj u Bosni i Hercegovini i većinom osobe treće životne dobi ostanu same zbog toga što im srodnici napuštaju zemlju zbog egzistencijalnih pitanja. I to tamo možemo da vidimo da je najveći broj osoba treće životne dobi u Domu penzionera zbog toga što su im srodnici van Bosne i Hercegovine. Posebno treba pohvalit ovdje da je uveden tzv. sistem bezbjednosti hrane obzirom da govorimo o osobama treće životne dobi, a to podrazumjeva poštovanje procedura kojim se smanjuju rizici po bezbjednosti. I ja mislim da sam tamo pročitao takođe da je ako se ne varam 2016. godine urađena recertifikacija isto standarda za poboljšanje kvaliteta usluga, što naravno govori o ozbiljnosti rada ove Ustanove koja je osjetljivo g karaktera zbog

populacije ljudi koji su tu prisutni. Ja nisam sad mogao da vidim u Izvještaju, al evo želim to da kažem da je Javna ustanova Dom penzionera i naučno nastavna baza između ostalog Edukacijsko rehabilitacijskog fakulteta i ja se tu zahvaljujem u ime svih studenata Edukacijsko rehabilitacijskog fakulteta koji imaju mogućnost da stečena znanja primjenjuju u praksi u instituciji, odnosno Ustanovi kao što je to Dom penzionera i naravno da je ona naučna baza zato što mi u sklopu vježbi realizujemo određena istraživanja koja su empirijskog karaktera dakle, fundamentalna i strateška istraživanja. Takođe izuzetna interesantna stvar a koju sam pročitao i vidio i moram da naglasim, to da je 2022. godine uvedena nova usluga, a ona se odnosi na hranu putem nazogastrične sonde. I iz ovog se vidi da se dio medicinskog osoblja iz Javne ustanove Dom penzionera edukovao uz pomoć Klinike za neurologiju što znači da im nije strano ni tzv. permanentno obrazovanje, odnosno da se usavršavaju iz onog što im je neophodno za rad i sa korisnicima. Sve veće potrebe za smještaj korisnika su isto prisutne vezano za osobe koje imaju demenciju, parkinsonovu bolest i alchajmerovu i ja mislim da se treba da radi onaj ne znam dokle se došlo sa centrom za demenciju. To treba u budućnosti podržavati, jer na žalost imamo sve veći broj osoba sa demencijom koji apsolutno ne mogu sami i samostalno da funkcionišu i potreban im je institucijalna podrška. Dakle, sve ovo što sam rekao uz dnevni Centar za zdravo starenje mislim da Javna ustanova Dom penzionera zaslužuje našu podršku i sve što možemo u budućnosti da podržavamo i ja mislim da trebamo da stojimo iza njih. Hvala.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik**

Hvala kolega Mehmedinoviću.

Zaključujem diskusiju po tački sedam.

Zamoliti ću direktore na sva ova pitanja koja su proistekla iz diskusija da u predviđenom roku daju odgovore vijećnicima.

Sada ćemo preći na izjašnjavanje o Izvještajima pojedinačno za svaku javnu ustanovu, a nakon toga jedno pet minuta je pa...pet minuta je pauza da pripremimo ove zaključke i onda nakon...Posle toga ćemo doći da glasamo za zaključak.

Pa molim vijećnika kojih ima tamo u holu da, da uđu u prostoriju kako bi mogli preć na glasanje. Ništa.

Pozivam vijećnike da se izjasne o Izvještaju o radu Javne ustanove Gradski stadion „Tušanj” za 2022. godinu. Hvala.

Konstatujem da je IZVJEŠTAJ O RADU JAVNE USTANOVE GRADSKI STADION „TUŠANJ” TUZLA ZA 2022. GODINU usvojen sa,

19 glasova za, nije bilo protiv niti suzdržanih. (vijećnik Senad Mehmedinović govori bez uključenog mikrofona op.a.) Poništiti ćemo glasanje al ćemo sačekati prvo da se tehnička...Eh je li u redu?

Molim vas da ponovimo glasanje za Javnu ustanovu Gradski stadion „Tušanj”. Evo sačekat ćemo doktoricu. Zahvaljujem. Glasanje je okončano.

Konstatujem da je IZVJEŠTAJ JAVNE USTANOVE GRADSKI STADION „TUŠANJ” prihvaćen sa,

21 glas za, nije bilo suzdržanih, niti protiv.

Prelazimo na glasanje Izvještaja o radu Javne ustanove Centar za socijalni rad Tuzla za 2022. godinu. Glasanje. Glasanje je još u toku. Ko nije glasao? Šeki šta je bilo? Dobro. Hvala. Glasanje je okončano.

Konstatujem da je IZVJEŠTAJ O RADU JAVNE USTANOVE CENTAR ZA SOCIJALNI RAD TUZLA ZA 2022. GODINU usvojen sa, 21 glasom za, nije bilo protiv, niti suzdržanih.

Prelazimo na glasanje Izvještaja o radu Javne ustanove „Doma penzionera“ Tuzla. Dobro. Hvala. Glasanje je okončano.

Konstatujemo i da je IZVJEŠTAJ JAVNE USTANOVE „DOMA PENZIONERA“ TUZLA sa 21 glas za prošao, nije bilo suzdržanih, niti protiv. Hvala.

Ja sam bio najavio pauzu, ali evo prijedlog je da bez pauze da nam Slađana pročita ove zaključke s obzirom da su bili konstruktivni i jako dobri zaključci da nam pročita, pa ćemo se izjasniti za sve zaključke odjednom.

SLAĐANA KRAJINA – sekretar Gradskog vijeća Tuzla

- Gradsko vijeće Tuzla traži od direktora javnih ustanova čiji su izvještaji o radu razmatrani na današnjoj 28. redovnoj sjednici Gradskog vijeća da, najkasnije do avgustovske sjednice Gradskog vijeća, dostave pisane odgovore na pitanja postavljena tokom rasprave kao i na date prijedloge, sugestije i primjedbe. Zadužuje se Stručna služba Gradskog vijeća da izvode iz stenograma sa današnje sjednice Gradskog vijeća, u dijelu rasprave o izvještajima o radu javnih ustanova, dostavi direktorima javnih ustanova radi pripreme pisanih odgovora na pitanja postavljena tokom rasprave i na date prijedloge, sugestije i primjedbe.

- Gradsko vijeće Tuzla sugerira Javnoj ustanovi Centar za socijalni rad Tuzla da u Pravilniku o unutrašnjoj organizaciji i sistematizaciji radnih mjesta planira socijalne pedagoge i edukatore rehabilitatore, ukoliko to već nije predviđeno Pravilnikom.

- Gradsko vijeće Tuzla traži da se u Budžetu Grada Tuzla za 2024. godinu povećaju sredstva na ime zapošljavanja određenog broja stručnih saradnika, socijalnih pedagoga i edukatora rehabilitatora.

- Gradsko vijeće Tuzla pruža punu podršku menadžentu Javne ustanove Centar za socijalni rad Tuzla, naročito imajući u vidu skorašnje nemile događaje u Lukavcu i u Srbiji, te podržava zaključke i prijedlog mjera dat u Izvještaju o radu Javne ustanove Centar za socijalni rad Tuzla za 2022. godinu.

- Imajući u vidu da je propisanim standardima predviđeno da na četiri hiljade građana, u Centru za socijalni rad bude zaposlen jedan socijalni radnik kao i veliki broj sistematizovanih a nepopunjenih drugih radnih mjesta, Gradsko vijeće Tuzla, u skladu sa ranije usvojenim zaključcima, smatra potrebnim što hitnije kadrovski ojačati Centar za socijalni rad Tuzla kako bi ovaj Centar mogao što kvalitetnije obavljati poslove u okviru svojih nadležnosti i ostvarivati programske zadatke i ciljeve te se u tom smislu traži od resorne Službe da pruži podršku menadžmentu Javne ustanove Centar za socijalni rad Tuzla kada je u pitanju kadrovsko jačanje. Sa ciljem povećanja kapaciteta Ustanove i pružanja još kvalitetnije stručne podrške svim korisnicima usluga, neophodno je povećati broj stručnih radnika, prije svega socijalnih radnika, psihologa, pedagoga – psihologa, pravnika i svih drugih struka, u skladu sa propisanim standardima i normama kao i da se na adekvatan način pokuša riješiti prostorni smještaj zaposlenika.

- Gradsko vijeće...Ovdje su dva tri zaključka kombinovana da se ne ponavljaju ako nemate ništa protiv? (ĆERIM RASTODER – Pa dobro nema veze mi ćemo usvojiti zaključke.)

- Gradsko vijeće Tuzla sugeriše menadžmentu Javne zdravstveno nastavne ustanove Dom zdravlja Tuzla i Javne ustanove Dom penzionera Tuzla da se iznađe način da ambulanta porodične medicine koja ordinira u sklopu Javne ustanove Dom penzionera Tuzla proširi sa sadašnjih tri na pet dana.

- Gradsko vijeće Tuzla sugeriše menadžmentu Javne ustanove Gradski stadion "Tušanj" Tuzla i resornim službama da se razmotre zakonske i faktičke mogućnosti da se pokuša naći investitor za tribinu kako bi grad Tuzla dobio tribinu a prostore ispod tribine bi dobili poduzetnici, što se u svijetu već pokazalo dobrom praksom.

- Gradsko vijeće Tuzla traži od nadležnih da se pojednostave procedure za ostvarivanje prava na dječiji dodatak (nepotrebno prilaganje iste potrebne dokumentacije, posebno za svako dijete u jednoj porodici).

- Gradsko vijeće Tuzla podržava projekat natkrivanja zapadne tribine stadiona "Tušanj".

- Gradsko vijeće Tuzla traži od menadžmenta Javne ustanove stadion "Tušanj" Tuzla da aplicira na sve projekte usmjerene ka renoviranju i adaptaciji pomoćnog terena.

- Gradsko vijeće Tuzla traži od menadžmenta Javne ustanove stadion "Tušanj" Tuzla da preduzme aktivnosti usmjerene ka uređivanju tribina i zaštitne ograde na pomoćnom terenu.

- Gradsko vijeće Tuzla sugeriše Javnoj ustanovi Centar za socijalni rad Tuzla da i dalje aktivno rade na prevenciji i sprečavanju negativnih društvenih pojava kao što su maloljetnička delikvencija, nasilje u porodici, prostitucija i trgovina ljudima.

- Gradsko vijeće Tuzla traži od nadležnih organa da se u što skorijem roku stvore zakonske pretpostavke za formiranje budžetskih fondova, ali i razvojnog socijalnog fonda koji bi okupljao sredstva budžeta, privatnog i nevladinog sektora koji bi obezbijedio sigurno finansiranje i pružanje proširenih socijalnih usluga.

- Gradsko vijeće Tuzla traži od nadležnih organa da nastave sa pripremama i aktivnostima, odnosno iznalaženje mogućnosti za izradu socijalne karte odnosno analize statusa građana Grada Tuzla.

- Gradsko vijeće traži od menadžmenta Javne ustanove Dom penzionera Tuzla da se uključe u projekte, kako bi poboljšali energijsku efikasnost i eksterijer objekta. To je to.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik**

Zahvaljujem se sekretaru.

Molim vas da se izjasnimo o svim pročitanim zaključcima. Glasanje je okončano.

Konstatujem da su zaključci, pročitani zaključci prošli sa,

23 glasa za, nije bilo suzdržanih, niti protiv.

Prelazimo na osmu tačku Dnevnog reda:

INFORMACIJA O REALIZACIJI PROJEKTA IZGRADNJE PUTNE KOMUNIKACIJE KROZ RUDNIK SOLI „TUZLA“ U NASELJU MANDIĆI

Predlagач ove tačke je Klub vijećnika Tuzlanske alternative pa bih zamolio predsjednika Kluba vijećnika da nam da uvodne napomene po, po ovoj tački dnevnog reda.

MENSUR ALIĆ

Zahvaljujem predsjedavajući. Pa naime mi smo došli na, na ideju, Tuzlanska alternativa da stavim ovaj problem na tačku dnevnog reda da bi otklonili nedostatke koji se već evo voze od 2008.godine. Naime, 2008.godine je Nedžad Malikić, dok je bio još vijećnik u Gradskom vijeću Tuzla podnio inicijativu ovu, a 2015.godine je dignut kredit. Grad Tuzla je se zadužila za nekih 11 miliona i mi smo predložili da ovaj projekat u-đe u taj...da se gradi iz tih kreditnih sredstava. Izdvojena su sredstva međutim, došlo je do određenih problema u ovih posljednjih, evo da kažem čitavih 8 godina vodi se taj problem i nikako da građani dobiju ovaj taj put na korištenje, da se izgradi. Naime, građevinska dozvola je dobivena, potpisan je ugovor sa izvođačem radova i ono što je najgore i najopasnije je da ašićare evo da stoji još duže vremena da bi počeli plaćat penale. Grad Tuzla bi morala plaćat penale zbog toga što se ne-izvode radovi, a nije do izvođača radova. Potpisan je ugovor znači. Zastoj je ovdje zbog neriješeno imovinsko nekih odnosa, ali bilo je tu svega i politike i svega od „Rudnika soli“ zavisno od toga ko je dolazio na direktorsko mjesto, ko je bio u Upravnom odboru, pa je to zatezanje-otezanje i evo mi smo našli jedan način na koji se može ovo riješiti u interesu građana ovog naselja ovaj Mandići. Ja sam juče održao sastanak sa predstavnicima Grada Tuzle, tj. sa pomoćnikom gradonačelnika komunalnih poslova Mulaćem. Tu je bio i Slavko Stjepić prisutan, bila je i sekretar Vijeća, Gradskog vijeća Tuzla, bio je i Šuta kao sekretar gradskog, Grada Tuzle gdje smo našli jedan, jedno rješenje koje smo ovaj tražili kako da i na koji način da izbjegnemo sve ove do sad peripetije i koje su stajale na putu za gradnju ovaj put. I našli smo rješe-nje i ja zato ovaj...I dio tamo ovaj ima evo sad ćete čut u zaključku ima gdje su...Nalazi se nešto i na sudu ali nećemo mi o, o tome ništa to sud nek rješava na, po svom kako treba da, da radi. Sudska odluka nek se donosi kako hoće jel na to ne možemo ni uticati niti hoćemo. Ima zaključak mi smo pripremi-li i usaglasili se da taj zaključak ide na Gradsko vijeće ovdje, da Gradsko vijeće ga usvo-ji i time mi otvaramo put za izgrad...Na-čin da se počne graditi taj put, a time je...I građani su i tražili da ovo ide na Gradsko vijeće zbog toga, zbog jačine same, kada Gradsko vijeće podrži i kada usvoji ovaj zaključak onda je, to ima jačinu. Ima svoju jačinu. Pa bih zamolio sekretara da pročita ovaj zaključak i da glasamo o njemu i ne treba, uopšte nema potrebe za diskusijama zbog toga što je s-ve svedeno u ovom zaključku i zahvaljujem se na strpljenju.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik**

Dobro. Zahvaljujem se predsjedniku Kluba vijećnika Tuzlanske alternative i zamolio bih sekretara da pročita zaključak koji je proisteklo na osnovu ove, ove informacije Kluba vijećnika Tuzlanske alternative o kojem ćemo se izjasniti.

SLADANA KRAJINA – sekretar Gradskog vijeća Tuzla

Izjasnili bi se o sledećem zaključku:

Gradsko vijeće podržava zaključak Kolegija Gradskog vijeća Tuzla, usvojen na vanrednoj sjednici, održanoj 16.06.2023., a koji glasi:

Gradsko vijeće Tuzla, polazeći od šireg društvenog značaja i interesa za realizacijom projekta „Rekonstrukcija i izmještanje ceste za naselje Mandići u Tuzli i korištenje izgrađene ceste od strane građana i Rudnika soli „Tuzla“ d.d. Tuzla, čija bi implementacija umnogome unaprijedila i poboljšala kvalitetu življenja naših sugrađana u Mjesnoj zajednici Tušanj i omogućila im kvalitetniju i sigurniju cestovnu povezanost sa već postojećom komunalnom

infrastrukturu na području grada, od resornih gradskih službi za upravu traži da iskoriste sve faktičke i pravne mogućnosti koje im stoje na raspolaganju, da u okviru realizacije gore navedenog projekta, u skladu sa projektno-tehničkom dokumentacijom i pravosnažnim Rješenjem o odobrenju za građenje, izdatim od Službe za prostorno uređenje i građenje Grada Tuzla pod brojem: 06/2-19-23307/2021-FI od 26.09.2022. godine, bez odlaganja otpočnu sa provođenjem svih potrebnih aktivnosti na terenu u cilju cjelovite implementaciji navedenog projekta, i to u svim onim dijelovima trase koji nisu vezani za sudski spor oko utvrđivanja međe i prava vlasništva, a koji se, nakon ishodovane pravosnažne građevinske dozvole, pred Općinskim sudom u Tuzli vode između Rudnika soli „Tuzla“ d.d. Tuzla sa jedne strane te građana Čehović Ervine i Anesa Čehovića sa druge strane, što Gradu Tuzli predstavlja pravnu i faktičku smetnju te sprečava nadležne gradske službe za upravu i izvođača radova, da na terenu neometano otpočnu sa realizacijom navedenog projekta.

Pri tome se niti u jednom segmentu, nema namjera prejudicirati ishod ni tok sudskih postupaka, niti utjecati na nezavisnost i nepristrasnost suda pri radu i odlučivanju, već na institucionalan način i u skladu sa važećim zakonskim propisima, omogućiti efikasna zaštita interesa građana grada Tuzle. Znači, sad je i Vijeće da usvoji ovaj zaključak, a Kolegij ga je već usvojio.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik**

Dobro. Zahvaljujem se. Molim vas da se glasanjem izjasnimo o zaključku koji je sekretar pročitao. Zahvaljujem se. Glasanje je okončano.

Konstatujem da je pročitani zaključak podržan od strane Gradskog vijeća sa, 21 glasom za, nije bilo suzdržanih, niti protiv.

Prelazimo na devetu tačku Dnevnog reda:

RASPRAVA O NACRTU ZAKONA O IZMJENAMA I DOPUNAMA ZAKONA O POLICIJSKIM SLUŽBENICIMA

Obrađivač je MUP TK

Materijal su razmatrali: Komisija za statutarna pitanja i propise i Klubovi vijećnika.

Da li ima potrebe da se pročitaju izvještaji, odnosno za uvodno izlaganje. Pardon. (Nema.)

Da li ima potrebe da se pročitaju izvještaji komisija? (Ne.) Dobro. Hvala.

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika. (Nema.)

Zatvaram raspravu vijećnika.

Konstatujem da je Gradsko vijeće vodilo RASPRAVU O NACRTU ZAKONA O IZMJENAMA I DOPUNAMA ZAKONA O POLICIJSKIM SLUŽBENICIMA, te da nije bilo primjedbi, prijedloga i sugestija na Nacrt Zakona kao ni zaključaka.

Prelazimo na desetu tačku:

RAZMATRANJE IZVJEŠTAJA KOMISIJE ZA IZBOR I IMENOVANJE

Molim sekretara da pročita Izvještaje komisije za izbor i imenovanje.

SLAĐANA KRAJINA – sekretar Gradskog vijeća Tuzla

Komisija za izbor i imenovanje je razmatrala prijedlog Kluba samostalnih vijećnika (Nusret Muminović, Ćerim Rastoder i Medina Lolić) za izmjenu člana Komisije za zaštitu prava nacionalnih manjina, te je usvojila sledeći zaključak:

Komisija za izbor i imenovanje je razmotrila, te Gradskom vijeću Tuzla na izjašnjavanje upućuje prijedlog Kluba samostalnih vijećnika (Nusret Muminović, Ćerim Rastoder i Medina Lolić), da se:

- Beriz Sakić razrješi dužnosti člana Komisije za zaštitu prava nacionalnih manjina,
- a da se na dužnost člana Komisije za zaštitu prava nacionalnih manjina izabere Nedžad Hasanović.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik**

Molim vas da pristupimo glasanju. (DAMIR MURATOVIĆ – Greška.) Damire jel greška ili? (Greška, greška.) Molim vas da ponovimo glasanje. Hvala.

Konstatujem znači, da je pročitani izvještaj prihvaćen sa 22 glasa, nije bilo suzdržanih, niti je bilo protiv. Eh prelazimo na...(SLAĐANA KRAJINA – Imamo još jedan. Još jedan prijedlog.) Još jednu tačku. Još jedan izvještaj.

SLAĐANA KRAJINA – sekretar Gradskog vijeća Tuzla

Komisija za izbor i imenovanje je razmatrala prijedlog Omera Berbića, vijećnika Naše stranke za izmjenu člana Savjeta Mjesna zajednica Novi Grad I, te je usvojila sledeći zaključak:

Komisija za izbor i imenovanje je razmotrila, te Gradskom vijeću Tuzla na izjašnjavanje upućuje prijedlog Omera Berbića, samostalnog vijećnika da se:

- Enes Tinjić razrješi dužnosti člana Savjeta MZ Novi Grad I, (vijećnik Omer Berbić govori bez uključenog mikrofona op.a.)
- a da se na dužnost člana Savjeta MZ Novi Grad I izabere Omar Musić. (NATAŠA PERIĆ – Pa nije samostalnog.)

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik**

Molim vas jel poslovnicka?

NATAŠA PERIĆ

Uzмите poslovnicku. (vijećnik Omer Berbić govori bez uključenog mikrofona op.a.)

NATAŠA PERIĆ

Tražite poslovnicku.

OMER BERBIĆ

Poslovnička samo. Rekli ste samostalni vijećnik samo radi poslovnika da...Radi ovog zapisnika samo.

NATAŠA PERIĆ

Ja, ja vijećnik Naše stranke. (OMER BERBIĆ - Ja.)

SLAĐANA KRAJINA – sekretar Gradskog vijeća Tuzla

Aha. Možda sam pogriješila ne piše. Možda sam pogriješila ja, (ĆERIM RASTODER – Molim vas bez...Samo malo.) a ne piše Omar je dobro napisao.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik**

U redu. Molim vas da...(SLAĐANA KRAJINA – Ma ne...Ne znam ni odakle mi samostalni.)

Molim vas da pristupimo glasanju. Hvala.
Konstatujem da je pročitani izvještaj prošao sa,
20 glasova za, nije bilo protiv, niti suzdržanih.

Prelazimo na tačku jedanest:

TEKUĆA PITANJA

Pod a) Obavještenje Službe za komunalne poslove, izgradnju i poslove mjesnih zajednica o razlozima prolongiranja izrade Informacije o realizaciji kapitalnih projekata u 2022. godini (putevi, vodovodna i kanalizaciona mreža, toplifikacija, javna rasvjeta i projekti iz drugih oblasti) pod

b) Obavještenje JP BIT Centar d.o.o. Tuzla o razlozima prolongiranja izrade Izvještaja o radu i poslovanju za 2022. godinu.

Konstatujemo da je informacija primljena k znanju.

Svim vijećnicima i građanima Tuzle i Bosne i Hercegovine, islamske vjeroispovijesti, želim u svoje ime i u ime vijećnika Gradskog vijeća Tuzla uputiti srdačne čestitke povodom nastupajućeg Kurban Bajrama, sa željom da ovaj praznik dočekaju i provedu u zdravlju, miru i porodičnoj sreći.

Zahvaljujem se vijećnicima, predlagačima i obrađivačima materijala i zaključujem 28. redovnu sjednicu Gradskog vijeća Tuzla. (Hvala.)

(S obzirom da je Dnevni red iscrpljen i 28. redovna sjednica Gradskog vijeća Tuzla zaključena ista je završena u 15:07 sati.)

STENOGRAM SAČINILI:

Selma Šehić

Jasminka Delalić

P R E D S J E D A V A J U Ć I

Nataša Perić, prof. s.r.